

5



卷十五 丁卯秋

懷扶正沈謀志于卯年七月用車啓勳
乃次宣華秋建緒十二年丁卯秋實為
亡友用云治信三有一福用按美公而長
逝中間久矣七比之年補楷法精謹
卷一筆高且 六月廿二日沈波記

南史所載宋齊梁陳本紀
十卷列傳七十卷李延壽
撰述之筆詳矣僕請察而
言之宋高祖討桓玄除晉
薛季自爾骨肉相殘七傳為

齊太祖所滅齊興僅二十
四年東昏和帝廢弒之禍
酷烈梁武受禪納侯景
結怨東魏弒傷漏亡子孫
被其弒遂國祚易而為陳
傳四帝而後主無道納隋
叛隋竟為隋俘天下混一
歸于隋吁曰朝代謝不過
一百七十三年彼首事國脩
短廢興治亂之迹史臣述

之聖世鑑戒一開卷間瞭然
在目覽之者鮮不惕然
于心救之唐堯在位七十
有九周家傳祚八百六十有
七天壤美殊靜言思之固

郡侯呂公

師臯提綱於先

繼蒙

郡同知張公

雲翼儲僚屬振領

如後遂成此書江左後學咸
庶使幸惠之德不淺也蜀

人薊東寅 忝郡文學黽勉
與力因喜書成傳之永久
與天下覽者共之故儲為
引筆序其顛末云大德丙
午之夏拜手謹書

南史目錄

卷一

李

延壽

凡八十卷

本紀十卷

列傳七十卷

宋本紀上第一

南史一

武帝諱裕 姓劉氏

少帝諱義符

宋本紀中第二

南史二

文帝諱義隆

孝武帝諱駿

前廢帝諱子業

宋本紀下第三

南史三

明帝 諱彧

後廢帝 諱昱

順帝 諱準

齊本紀上第四

南史四

高帝 諱道成 姓蕭氏

武帝 諱曠

齊本紀下第五

南史五

廢帝鬱林王 諱暕

廢帝海陵王 諱昭文

明帝 諱鸞

廢帝東昏侯 諱寶卷

和帝 諱寶融

梁本紀上第六

南史六

武帝上 諱衍 姓蕭氏

梁本紀中第七

南史七

武帝下

梁本紀下第八

南史八

簡文帝 諱綱

元帝 諱繹

敬帝 諱方智

陳本紀上第九

南史九

武帝 諱霸先 姓陳氏

文帝 諱蒨

廢帝 諱伯宗

陳本紀下第十

南史十

宣帝 諱頊

後主 諱叔寶

列傳第一

南史十一

后妃上

宋孝穆趙皇后

孝懿蕭皇后

武敬臧皇后

武張夫人

文章胡太后

少帝司馬皇后

文元袁皇后 潘淑妃

孝武昭路太后

明宣沈太后

孝武文穆王皇后

前廢帝何皇后

明恭王皇后

後廢帝陳太妃

後廢帝江皇后

順陳太妃

順謝皇后

齊宣孝陳皇后

高昭劉皇后

武穆裴皇后

文安王皇后

鬱林王何妃

海陵王王妃

明敬劉皇后

東昏褚皇后

和王皇后

列傳第二

南史十二

后妃下

梁文獻張皇后

武德郝皇后

武丁貴嬪

武阮脩容

簡文王皇后

元徐妃

敬夏太后

敬王皇后

陳武宣章皇后

文沈皇后

廢帝王皇后

宣柳皇后

後主沈皇后 張貴妃

列傳第三

南史十三

宋宗室及諸王

長沙景王道憐

臨川列武王道規 鮑照

營浦侯遵考 從子季連

武帝諸子

廬陵孝獻王義真

彭城王義康

江夏文獻王義恭

南郡王義宣

衡陽文王義季

列傳第四

南史十四

文帝諸子

元凶劭

始興王濬

南平穆王 欽

竟陵王誕

建平宣簡王宏

廬陵王禧

晉熙王昶

武昌王渾

始安王休仁

晉平刺王休祐

海陵王休茂

鄱陽哀王休業

臨慶沖王休倩

新野懷王夷父

桂楊王休範

巴陵哀王休若

孝武諸子

豫章王子尚

晉安王子勛

松滋侯子房

臨海王子頊

始平孝敬王子鸞

永嘉王子仁

始安王子真

邵陵王子元

齊敬王子羽

淮南王子孟

晉陵孝王子雲

南海哀王子師

淮陽忠王子霄

東平王子嗣

武陵王贊

明帝諸子

邵陵殤王友

隨陽王颺

新興王嵩

始建王禧

列傳第五

南史十五

劉穆之 曾孫祥從子秀之

徐羨之 從孫堪之孝嗣孫君循

傅亮 族兄陸

湛之孫孝嗣

檀道濟 兄韶弟祗 韶孫珪

列傳第六

南史十六

王鎮惡

毛脩之 孫惠素

朱齡石 弟超石

列傳第七

劉敬宣

劉粹 族弟

蒯恩

劉鐘

孟懷玉 弟龍符

劉康祖 伯父簡之簡之子道產

王玄謨 子瞻 從弟玄蒙 玄載 玄源

傳弘之

劉懷肅 弟懷敬 懷慎

南史十七

孫處

向靖 子柳

虞丘進

胡藩 簡之弟謙之 道產子延孫

南史十八

列傳第八

趙倫之 子伯符

蕭思話 子惠開 惠明 惠明子咏素 惠明弟惠基 惠基子洽 惠基弟惠休 惠休弟子介

臧燾 玄孫嚴 嚴族叔未甄 燾弟燾 未甄子質 燾子質

謝晦 兄瞻 弟瞻 從叔澹

列傳第九

謝方明 子惠連

謝裕 子恂 玄孫微 裕弟純 述 孫排

列傳第十

謝弘微 子莊 弟顯 孫明 顯弟倫 曾孫諲 諲子覽 玄孫哲 覽弟舉

南史十九

謝靈運 孫超宗 曾孫幾 鄉

南史二十

舉子敬
舉兄子僑

列傳第十一

南史二十一

王弘子錫 孫僧達 曾孫融 弘弟子微 微兄遠 瑜
遠子僧祐 僧祐子藉 弘從孫瞻 弘玄孫冲 子瑒

列傳第十二

南史二十二

王曇首子僧綽 孫儉 曾孫騫 騫子規 僧綽弟僧虔
騫弟暉 暉子承 訓 慈弟志 志弟子筠 志弟彬 寂

列傳第十三

南史二十三

王誕兄子偃 偃子藻 聖從弟亮

王華從弟珉 王惠從弟球

王彧子緇 緇弟績 績孫克 彧兄子臨 奐 奐弟份
份弟銓 錫 僉 通 勳 質 岡

列傳第十四

南史二十四

王裕之孫秀之 延之 延之 斤 韶 峻子琮

王鎮之弟弘之 弘之孫曼 王韶

王悅之 王准之從弟遠之 注之

列傳第十五

南史二十五

王懿 到彦之孫鶴 鶴子流 流從兄澹

垣護之弟子崇祖 崇祖從兄榮祖

張興世子欣泰 閩弟子曇深

列傳第十六

南史二十六

袁湛

弟豹 豹子敬 君正子樞 君正弟敬

馬仙理

顛從弟察 昂子君正

列傳第十七

南史二十七

孔靖

孫瑋之 曾孫奐

孔琳之

孫顛

殷景仁

從祖弟溥

列傳第十八

南史二十八

褚裕之

弟恣之 玄孫球 裕之兄子湛之

秦子向

湛之子高 向子翔

彦回弟澄 從弟炤 炫

洪子蒙 蒙子介

列傳第十九

南史二十九

蔡廓

子興宗 約弟搏

孫然 曾孫凝

列傳第二十

南史三十

何尚之

子愷 孫戢 從弟淵

偁 弟子求 求弟黠 黠弟胤 尚之弟子昌 昌子敬容

列傳第二十一

南史三十一

張裕

子永 岱 率弟皆

岱兄子緒 緒子完 允

永子瓌 瓌弟稷 稷子嶧 稷從子種

列傳第二十二

南史三十二

張邵

子敷 寶積

孫沖 徐文伯

兄子暢 文伯弟嗣伯

暢子融

列傳第二十三

南史三十三

范泰

子暉

荀伯子

族子萬秋

徐廣

弟紹 廣兄子豁

鄭鮮之

裴松之

孫昭明 曾孫子野

何承天

曾孫遜

劉勔子俊

俊弟

孫孺

覽

遵

繪弟

列傳第三十

南史四十

魯爽

薛安都

從子深

鄧琬劉胡

宗越

吳喜

黃回

列傳第三十一

南史四十一

齊宗室

衡陽元王道度

始安貞王道生

始安王遙光

曲江公遙欣

子幾

安陸昭王緬

新吳侯景先

南豐伯赤斧子穎 曹 頌 達

衡陽公謙

臨汝侯坦之

列傳第三十二

南史四十二

齊高帝諸子上

豫章文獻王嶷

子子康

子恪

子顯

子範

列傳第三十三

南史四十三

齊高帝諸子下

臨川獻王映

長沙威王晃

武陵昭王暉

安成恭王暕

鄱陽王鏘

桂陽王鐸

始興簡王鑑

江夏王鋒

南平王銑

宜都王鏗

晉熙王鈇

河東王鉉

列傳第三十四

南史四十四

齊武帝諸子

文惠太子長懋

竟陵文宣王子良子昭賢

廬陵王子卿

魚復侯子響

安陸王子敬

晉安王子懋

南郡王子隆

建安王子真

西陽王子明

南海王子罕

巴陵王子倫

邵陵王子貞

臨賀王子岳

西陽王子文

衡陽王子峻

南康王子琳

湘東王子建

南郡王子夏

文惠諸子

巴陵王昭秀

桂陽王昭粲

明帝諸子

巴陵隱王寶琳

江夏王寶玄

廬陵王寶源

鄱陽王寶寅

邵陵王寶裕

晉熙王寶嵩

桂陽王寶

南史四十五

列傳第三十五

王敬則

陳顯達

張敬兒

崔慧景

列傳第三十六

南史四十六

李安人 子元履

戴僧靜

桓康

焦度

曹武 子世宗

呂安國

周山圖

周盤龍 子奉叔

王廣之 子珍國

列傳第三十七

南史四十七

荀伯玉

崔祖思 祖思叔父景真、景真子元祖

蘇侃

虞棕

胡諧之 范楷年

虞玩之

劉休

江祐 劉暄

列傳第三十八

南史四十八

陸澄

陸慧曉 子融

孫從弟

孫從弟

兄子開

開子絳

瑜從弟

從弟琛

琛弟瑜

陸杲 子暉

列傳第三十九

南史四十九

庾杲之 叔父華

王謀 從叔 孔湯

何憲

孔珪

劉懷珍 子靈哲 懷慈子霽

從父弟峻 杳 敵

劉沼 懷珍從孫奇

從子懷慈 懷珍族弟書明

列傳第四十

南史五十

劉瓛 弟璉 族子顯

明僧紹 子山賓

庾易 子黔婁 於陵

劉虬 子之遊 虬從弟坦 之亨

列傳第四十一

南史五十一

梁宗室上

吳平侯景 子嗣 弟昌

長沙宣武王懿 子業 子業 子業

永陽昭王敷

衡陽宣王暢

桂陽簡王融 子象 象子愷

臨川靜惠王宏 宏子正仁 正義 正德 正德子見理

正信 正立弟正表

列傳第四十二

南史五十二

梁宗室下

安成康王秀 秀子機 機弟推

南平元襄王偉 偉子恪 恭子靜

恪弟恭 恭弟祗

鄱陽忠烈王恢

恢子範 諮弟脩

範子嗣 脩弟恭

範弟諮

始興忠武王憺

憺子亮 暉弟暉

亮弟暉

列傳第四十三

南史五十三

梁武帝諸子

昭明太子統

豫章王綜

南康簡王績

廬陵威王績

邵陵攜王綸

武陵王紀

列傳第四十四

南史五十四

梁簡文帝諸子

哀太子大器

尋陽王

臨川王大款

南海王大賡

南郡王大連

安陸王大春

桂陽王大成

汝南王大封

瀏陽公大雅

新興王大莊

西陽王大鈞

武寧王大威

皇子大訓

建平王大球

義安王大昕

綏建王大摯

樂良王大園

元帝諸子

忠烈世子方等

貞惠世子方諸

改懷太子方矩

始安王方略

列傳第四十五

南史五十五

王茂

曹景宗

席闡文

夏侯詳子亶

吉士瞻

蔡道恭

楊公則

鄧元起羅研

張惠紹子登

馮道根

康絢

昌業之

列傳第四十六

南史五十六

張弘策子緬

庾亮子子輿

鄭紹叔

呂僧珍

樂藹子法才

列傳第四十七

南史五十七

沈約子旋 孫衆

范雲從兄

列傳第四十八

南史五十八

韋叡兄纂 闡正弟

叡子放 孫察 弟正

裴邃子之禮

兄子之高 之高弟之平

列傳第四十九

南史五十九

江淹

任昉

王僧孺

列傳第五十

南史六十

范岫

傳昭 弟映

孔休源

江革 子德藻

徐勉

許懋 子亨

殷鈞 宗人芸

列傳第五十一

南史六十一

陳伯之

陳慶之 子昕 暄

蘭欽

列傳第五十二

南史六十二

賀瑒 子華 弟子琛

司馬綬

朱异

顧協

徐摛 子陵 陵子儉 份 陵弟孝克

鮑泉 鮑行卿 行卿弟客卿

列傳第五十三

南史六十三

王神念 子僧辯

羊侃 子球 鴟

羊鴟仁

列傳第五十四

南史六十四

江子一

胡僧祐

徐文盛

陰子春 子鏗

杜翦 兄岸 弟勿安 兄子龕

王琳

張彪

南史

南史目錄

十五

列傳第五十五

南史六十五

陳宗室諸王

永脩侯擬

遂興侯詳

宜黃侯蕙紀

衡陽王昌子伯信

南康愍王曇朗子方泰 方慶

文帝諸子

始興王伯茂

鄱陽王伯山

新安王伯固

晉安王伯恭

廬陵王伯仁

江夏王伯義

武陵王伯禮

永陽王伯智

桂陽王伯諒

宣帝諸子

始興王叔陵

豫章王叔英

長少王叔堅

建安王叔卿

宜都王叔明

河東王叔獻

新蔡王叔齊

晉熙王叔文

淮南王叔彪

始興王叔重

尋陽王叔儼

岳陽王叔慎

義陽王叔達

巴山王叔雄

武昌王叔虞

湘東王叔平

臨賀王叔敖

西陽王叔穆

南郡王叔澄

岳山王叔韶

巴東王叔謨

新會王叔坦

新昌王叔榮

後主諸子

太子深

南平王嶷

陽山王叔宣

南安王叔儉

沅陵王叔興

新興王叔純

臨海王叔顯

新寧王叔隆

太原王叔匡

吳興王胤

永嘉王彥

南海王虔

邵陵王兢

東陽王恂

錢塘王恬

信義王祗

會稽王莊

吳郡王藩

列傳第五十六

南史六十六

杜僧明

侯瑱

歐陽頔

淳于量

吳明徹

周文育 子寶安

侯安都

黃法甌

章昭達

列傳第五十七

胡頴

杜稜

程靈洗 子文季

陸子隆

駱文牙

徐世譜

荀朗

魯悉達 弟廣達

任忠

南史六十七

徐度 子敬成

周鐵武

沈恪

錢道戢

孫瑒

周敷

周昞

蕭慶訶 子世康

樊毅 弟猛

列傳第五十八

南史六十八

趙知禮

蔡景歷 子徵

宗元饒

韓子高

華皎

劉師知

謝岐

毛喜

沈君理

陸山才

列傳第五十九

南史六十九

沈炯

虞荔 弟寄

傅縡 章華

顧野王 蕭濟

姚察

列傳第六十

南史七十

循吏

吉翰

杜驥

申恬

杜慧慶

阮長之

甄法崇 孫彬

傅琰 孫岐

虞愿

王洪軌 李珪之

沈瑀

范述曾

孫謙 從子廉

何遠

郭祖深

列傳第六十一

南史七十一

儒林

伏曼容

子暉 何佟之

嚴植之

司馬筠

卞華

崔靈恩

孔奐

盧廣

沈峻

太史叔明峻子文何

孔子祛

皇侃

沈洙

戚袞

鄭灼 張崖 陸詡 賀德基

全緩

張譏

顧越

莫孟金

沈不害

王元規 陸慶

列傳第六十二

南史七十二

文學

丘靈鞠 子暹 從孫仲孚

檀超 熊襄 超叔道鸞 吳邁遠

卞彬 諸葛昂 孫抱

表嘏

丘巨源 孔廣 司馬憲

孔道 表仲明 孫說 虞通之 虞劼

王智深

崔慰祖

祖冲之 子暉之 孫皓 來歲

賈希鏡

袁峻

劉昭 子紹 綏

鐘嶸 兄岵

弟嶼 周興嗣

吳均 江洪

劉勰

何思澄 子朗 子雲

任孝恭

顏協

紀少瑜

杜之偉

顏晃

岑之敬

何之元

徐伯陽

張正見

阮卓

列傳第六十三

南史七十三

孝義上

龔穎

劉瑜 董陽

賈恩

郭世通 子原平

嚴世期

吳達

潘綜 陳遺 秦綿

張進之 俞會 張楚

丘傑

師覺授

王彭

蔣恭

徐耕

孫法宗

范叔孫 吳國夫

下天與 弟天生

許昭先

余齊人

孫棘 妻 徐元妻 詩

何子平

崔懷順

王虛之 顧昌衍 江柔之 江軻

吳慶之

蕭叡明 子文宗

蕭矯妻羊 羊緝之女 佩任 吳翼之母 丁

吳康之妻趙 蔣儁之妻 黃 魯楷陳氏三女 永興中 皇王氏

諸暨屠氏女 吳郡范法恂妻 褚

吳興公乘濟妻 姚

公孫僧達

吳欣之

韓係伯

丘冠先

孫淡

華寶 薛天生 劉懷胤

解叔謙 宗元卿 匡昕

庾震 魯康祚 謝昌寓

韓靈敏

劉渢 弟濂 柳叔玄

封延伯 陳玄子 范安祖

邵恭興 李聖伯 文獻叔 徐生之 譚弘寶

何弘 王續祖 郝道福 陽黑頭

吳達之 蔡曇智 何伯璵

王文殊

樂頤之 弟頊 沈升之

江泌

庾道愨 族孫沙彌 沙彌子詩

列傳第六十四

南史七十四

孝義下

藤曇恭 徐普濟 張梯

陶季直

沈崇係

荀匠

吉盼

甄恬

趙拔扈

韓懷明

褚脩

張景仁 宛陵女子 劉景昕

衛敬瑜妻王

陶子鏘

成景雋

李慶緒

謝蘭 子貞

殷不害 弟不佞

司馬暠

張昭 弟乾 王知玄

列傳第六十五

南史七十五

隱逸上

陶潛

宗少文 孫測 從弟彧之

沈道虔

孔潛之

周續之

戴顓

翟法賜

雷次宗

郭希林

劉凝之

龔祈

朱百年

關康之

辛普明
樓惠明

漁父

褚伯玉

顧歡 廬度

杜京產

孔道徽
剡縣小兒

京產子 栢

列傳第六十六

南史七十六

隱逸下

臧榮緒

吳苞

趙僧巖
孔嗣之

蔡撻

徐伯珍

婁勿瑜

沈麟士

阮孝緒

邵郁

陶弘景

釋實誌

諸葛璩

劉惠斐

兄慧鏡
慧鏡子曇瑱

范元琰

庾詵

張孝秀

庾承先

馬樞

列傳第六十七

南史七十七

恩倖

戴法興

戴明寶

徐爰

阮佃夫

紀僧真

劉係宗

茹法亮

呂文顯

茹法珍 梅虫兒

周石珍

陸驗 徐麟

司馬申

施文慶

沈客卿

孔範

列傳第六十八

南史七十九

夷貊上

海南諸國

林邑國

扶南國

西南夷

訶羅陀國

訶羅單國

婆皇國

波達國

闍婆達國

槃槃國

丹丹國

千陀利國

狼牙脩國

婆利國

中天竺國

天竺迦毗黎國

師子國

列傳第六十九

南史七十九

夷貊下

東夷

高句麗

百濟

新羅

倭

文身

大漢

扶桑

西戎

河南王

岩昌

鄧至

武興

諸蠻

荆雍州蠻

豫州蠻

西域

高昌

猾

呵跋檀

白題

龜茲

于闐

渴盤陁

末

波斯

北狄

蠕蠕

列傳第七十

南史八十

賊臣

侯景

王偉

熊曇朗

周迪

南齊書


舒

留異

陳寶應

南史目錄

宋本紀上第



南史一

李

延壽



宋高祖武皇帝諱裕字德輿小字寄奴彭城縣綏輿里人
 姓劉氏漢楚元王交之二十一世孫也彭城楚都故苗裔
 家焉晉氏東遷劉氏移居晉陵丹徒之京口皇祖靖晉
 東安太守皇考翹字顯宗郡功曹帝以晉哀帝興寧元年
 歲在癸亥三月壬寅夜生神光照室盡明是夕甘露降于
 墓樹及長雄傑有大度身長七尺六寸風骨竒偉不事謙
 隅小節奉繼母以孝聞嘗游京口竹林寺獨卧講堂前上
 有五色龍章衆僧見之驚以白帝帝獨喜曰上人無妄言

晉書

卷之二十一

南史

宋

皇考墓在丹徒之候山其地秦史所謂曲阿丹徒間有天
子氣者也時有孔恭者妙善占墓帝嘗與經墓欺之曰此
墓何如孔恭曰非常地也帝由是益自負行止時見二小
龍附翼樵漁山澤同侶或亦覩焉及貴龍形更大帝素貧
時人莫能知唯琅邪王謚獨深敬焉帝嘗負刀遠社錢三
萬經時無以還被逵執謚密以已錢代償由是得釋後伐
荻萊洲見大蛇長數丈射之傷明日復至洲裏聞有柝曰
聲懼覘之見童子數人皆青衣於榛中擣藥問其故荅曰
我王為劉寄奴所射台散得之帝曰王神何不殺之荅曰
寄奴王者不死不可殺帝叱之皆散仍服藥而反又經客

下邳逆旅會一沙門謂帝曰江表當亂安之者其在君乎
帝先患手創積年不愈沙門有一黃藥因留與帝既而忽
亡帝以黃散傳之其創一傳而愈實其餘及所得童子藥
每遇金創傳之並驗初為冠軍孫無終司馬晉隆安二年
七月秋賊孫恩作亂於會稽朝廷遣衛將軍謝琰前將軍
劉牢之東討牢之請帝參府軍事命與數十人覘賊遇賊
衆數千帝便與戰所將人多死而帝奮長刀所殺傷甚衆
牢之子敬宣疑帝為賊所困乃輕騎尋之既而衆騎並至
遂平山陰恩遁入海四年五月恩復入會稽殺謝琰十一
月牢之復東征使帝伐句章句章城小人少帝每戰陷陣

賊乃退還決口時東伐諸將士卒暴掠百姓皆苦之惟帝
獨無所犯五年春恩頓攻句章帝屢破之恩復入海三月
恩北出海鹽帝築城于故海鹽賊日來攻城城內兵少帝
乃選敢死士擊走之時雖連勝帝深慮衆寡不敵乃一夜
偃旗示以羸弱觀其懈乃奮擊大破之恩知城不可下進
向滄瀆帝築城追之海鹽令鮑陋遣子嗣之以兵兵一千
為前驅帝以兵人不習戰命之在後不從是夜帝多設竒
兵兼置旗鼓明日戰伏發賊退嗣之追奔陷沒帝且退且
戰麾下死傷將盡乃至向窵止令左右解取死人衣以示
暇賊疑尚有伏乃引去六月恩浮海至丹徒帝兼行與俱

至奔擊大破之恩至建鄴知朝廷有備遂走鬱洲八月晉
帝以帝為下邳太守帝又追恩至鬱洲及海鹽頻破之恩
自是飢饉奔臨海元興元年并州刺史桓玄舉兵東下驃
騎將軍司馬元顯遣牢之拒之帝又參其軍事玄至帝請
擊之牢之不許乃遣子敬宣詣玄請和帝與東海何無忌
並固諫不從玄尅建鄴以牢之為會稽內史牢之懼招帝
於廣陵舉兵帝曰人情去矣廣陵亦豈可得之牢之竟縊
于新洲何無忌謂帝曰我將何之帝曰可隨我還京口玄
必守臣節當與卿事之不然與卿圖之玄從允脩以撫軍
將軍鎮丹徒以帝為中兵參軍孫恩自敗後懼見獲乃投

水死於臨海餘衆推恩妹夫盧循爲主玄復遣帝東征二
年循奔永嘉帝追破之六月加帝彭城內史十二月桓玄
篡位遷晉帝於尋陽桓脩入朝帝從至建鄴玄見帝謂司
徒王謚曰昨見劉裕風骨不恒蓋人傑也每游集贈賜甚
厚玄妻劉氏尚書令耽之女也聰明有智鑒嘗見帝因謂
玄曰劉裕龍行虎步視瞻不凡恐必不爲人下宜早爲其
所玄曰我方平蕩中原非裕莫可待關隴平定然後議之
脩尋還京口帝託以金創疾動不堪步從乃與無忌同船
共還建興復計及弟道規沛國劉毅平昌孟昶任城魏詠
之高平檀憑之琅邪諸葛長人太原王元德隴西辛扈興

東莞童厚之並同義謀時桓脩弟弘爲青州刺史鎮廣陵
道規爲弘中兵參軍昶爲州主簿乃令毅就昶謀共襲弘
長人爲豫州刺史刁達左軍府參軍謀據歷陽相應元德
厚之謀於建鄴攻玄尅期齊發三年二月乙卯帝託游獵
與無忌詠之憑之毅從弟藩憑之從子韶祇隆道濟昶族
弟懷玉等集義徒凡二十七人願從者百餘人丙辰候城
門開無忌等義徒服詔服稱詔居前義衆馳入齊叫吏
士驚散即斬脩以徇帝哭之甚慟厚加歛卹昶勸弘其日
出獵未明開門出獵人昶道規毅等率壯士五六十人因
開門直入弘方噉粥即斬之因收衆濟江義軍初尅京城

脩司馬刁弘率文武佐吏來赴帝登城謂曰郭江州已奉
 乘輿反正於尋陽我等並被密詔誅逆黨今日賊玄之首
 已當梟於大航諸君非大晉之臣乎弘等信之而退毅既
 至帝命誅弘等毅兄邁先在建鄴事未發數日帝遣同謀
 周安穆報之使為內應邁甚懼安穆慮事發馳歸時玄以
 邁為竟陵太守邁便下船欲之郡是夜玄與邁書曰此府
 人情云何卿近見劉裕何所道邁謂玄已知其謀晨起白
 之玄驚封邁為重安侯又以不執安穆故殺之誅元德扈
 興厚之等乃遣頓丘太守皇甫之右衛將軍皇甫敷北拒
 義軍先是帝造游擊將軍何澹之左右見帝光曜滿室以

告澹之澹之以白玄玄不以為意至是聞義兵起甚懼或
 曰裕等甚弱陛下何慮之深玄曰劉裕足為一世之雄劉
 毅家無擔石之儲擄蒲一擲百萬何無忌劉牢之之外甥
 酷似其舅共舉大事何謂無成時眾推帝為盟主以孟昶
 為長史桓後事擅憑之為司馬百姓願從者千餘人軍次
 竹里移檄都下曰夫成敗相因理不常泰狡焉肆逞或遇
 聖明自我大晉屢遘陽九隆安以來皇家多故貞良斃於
 豺狼忠臣碎於虎口逆臣桓玄敢肆陵慢阻兵荆郢肆暴
 都邑天未忘難凶力寔繁踰年之間遂傾皇祚主上播越
 流幸非所神器沈辱七廟毀廢雖夏后之離泥瓊有漢之

遭荼卓方之於茲未足爲喻自玄篡逆于今歷載彌年元
早人不聊生士庶疲於轉輸文武困於板築室家分析父
子乖離豈惟大東有杼軸之悲標梅有頃筐之怨而已哉
仰觀天文俯察人事此而可存孰有可亡凡在有心誰不
扼腕裕等所以叩心泣血不遑啓懇者也是故夕寐宵興
搜獎忠烈潛構崎嶇過於履虎乘機奮發義不圖全輔國
將軍劉毅廣武將軍何無忌鎮北主簿孟昶兗州主簿魏
詵之寧遠將軍劉道規龍驤參軍劉潘振威將軍檀憑之
等忠烈斷金精貫白日身荷戈後奮志在畢命益州刺史毛
璩萬里齊契掃定荆楚江州刺史郭昶之奉迎主上官于
尋陽鎮北將軍王元德等並率部曲保據石頭揚武將軍
諸葛長人收集義士已據歷陽征虜參軍庾曠之等潛相
連結以爲內應同力協契所在蠡起即日斬僞徐州刺史
安成王脩青州刺史弘義衆旣集文武爭先咸謂不有一
統則事無以緝裕辭不獲命遂惣軍要庶上憑祖宗之靈
下罄義夫之節剽馘逋逆蕩清京華公侯諸君或世樹忠
貞或身荷爵寵而並悅眉猾豎無由自效顧瞻周道寧不
弔乎今日之舉良其會也裕以虛薄才非古人受任於旣
頽之運契接於已替之機丹誠未宣感慨憤激望霄漢以
永懷眎山川以增仰投檄之日神馳賊庭三月戊午遇吳

甫之於江乘帝躬執長刀大呼即斬甫之進至羅落橋遇
皇甫敷檀憑之戰敗死之衆退帝進戰彌厲又斬敷首初
帝建大謀有工相者相帝與無忌等近當大貴惟云憑之
無相至是憑之戰死帝知其事必捷玄聞敷等沒使桓謙
屯東陵口卞範之屯覆舟山西己未義軍進至覆舟東張
疑兵以油帔冠諸樹布滿山谷帝先馳之將士皆殊死戰
無不一當百呼聲動天地因風縱火煙焰張天謙等大敗
玄始雖遣軍而走意已決別遣領軍殷仲文具舟石頭聞
謙敗輕船南逸庚申帝鎮石頭城立留臺摠百官焚桓溫
主於宣陽門外造晉新主於太廟遣諸將追玄命尚書王
敬率百官奉迎乘輿司徒王謚與衆議推帝領揚州帝固
辭乃以謚爲錄尚書事領揚州刺史帝爲鎮軍將軍都督
八州諸軍事徐州刺史領軍將軍初晉陵人帝叟善相術
桓脩令相帝當得州不叟曰當得邊州刺史退而私於帝
曰君相貴不可言帝笑曰若中當相用爲司馬至是叟詣
帝曰成王不負桐葉之信公亦應不忘司馬之言今不敢
希鎮軍司馬願得領軍佐於是用焉時諸葛長人失期爲
刁達執送未至而玄敗玄經尋陽江州刺史郭昶之爲具
乘輿法物初荆州刺史王綏以江左冠族又桓氏之甥素
甚陵帝至是及其父尚書左僕射愉有自疑志並及誅四

月戊子奉武陵王遵爲大將軍承制大赦惟桓氏一祖後不免桓玄之篡王謚佐命手解安帝璽紱及義旗建衆謂謚宜誅惟帝素德謚保持之劉毅嘗因朝會問謚璽紱所在謚益懼及王愉父子誅謚從弟湛謂謚曰王駒無罪而誅此是翦除勝已兄旣桓氏黨附求免得乎駒愉小字也謚懼奔曲阿帝牋白大將軍迎還復其位玄挾天子走江陵又浮江東下與劉毅何無忌劉道規等過於岷嶽洲衆軍大破之玄黨殷仲文奉晉二皇后還建鄴玄復挾天子至江陵因走南郡太守王騰之荆州別駕王康產奉天子入南郡府初益州刺史毛璩遣從孫祐之與參軍費恬送

弟喪下州璩弟子脩之時爲玄屯騎校尉誘玄入蜀至枚回洲恬與祐之迎射之益州督護馮遷斬玄傳首建鄴玄從子振逃於華容之涌中招集逆黨襲江陵城騰之康產皆被殺桓謙先匿沮川亦聚衆應振爲玄舉哀立喪庭謙率衆官奉璽紱于安帝劉毅何無忌進及桓振戰敗績于靈谿十月帝領青州刺史甲仗百人入殿義熙元年正月毅等至江津破桓謙桓振江陵平三月甲子晉帝至自江陵庾子詔進帝侍中車騎將軍都督中外諸軍錄尚書事帝固讓旋鎮丹徒九月乙巳加帝領兖州刺史盧循浮海破廣州獲刺史吳隱之即以循爲廣州刺史以其黨徐道

覆爲始興相二年三月進帝督交廣二州十月論匡復勳
封帝豫章郡公邑萬戶賜絹三萬疋其餘封賞各有差三
年十二月司徒錄尚書揚州刺史王謐薨四年正月徵帝
入輔授侍中車騎將軍開府儀同三司揚州刺史錄尚書
事徐兗二州刺史如故表解兗州先是帝遣冠軍劉敬宣
伐蜀賊譙縱無功而還九月帝以敬宣挫退遜位不許十
月乃降爲中軍將軍開府如故五年二月僞燕主慕容超
大掠淮北三月帝抗表北討以丹陽尹孟昶監中軍留府
事乃浮淮入泗五月至下邳留船步軍進琅邪所過築城
留守超大將公孫五樓請斷大峴堅壁清野以待超不從

初謀是役議者以爲賊若嚴守大峴軍無所資何能自反
帝曰不然鮮卑性貪略不及遠既幸其勝且愛其穀必將
別我且亦輕戰師一入峴吾何患焉及入峴帝舉手指天
曰吾事濟矣衆問其故帝曰師既過險士有必死之志餘
糧糈畝軍無匱乏之憂勝可必矣六月超留羸老守廣固
使其廣審王賀剌盧及公孫五樓悉力據臨朐去城四十
里有巨蕪水超告五樓急據之比至爲龍驤將軍孟龍符
所保五樓乃退大軍分車四千兩爲二翼方軌徐行車張
幟御者執稍以騎爲游軍軍令嚴肅比及臨朐賊騎交至
帝命交州刺史劉藩并州刺史劉道憐等隔其陣日向吳

戰猶酣帝用參軍胡藩策襲赴臨朐賊乃大奔超追還廣
圍獲其玉璽豹尾等送于都丙子尅廣固六城超固其
小城乃設長圍以中之館於青土停江淮轉輸七月超
尚書郎張綱乞師於姚興自長安反太山太守申宣執送
之綱有巧思先是帝脩堞具城上人曰沒不得張綱何能
爲也及至升諸樓車以示之城內莫不失色超旣求救不
獲綱反見虜乃求稱藩割大峴爲界獻馬千疋不聽時姚
興遣使聲言將涉淮左帝謂曰爾報姚興我定青州將過
函谷虜能自送今其時矣錄事參軍劉縝之遽入曰此言
不足威敵容能怒彼若鮮卑未拔西羗又至公何以待之

帝乃笑曰此兵機也非子所及羗若能救不有先聲是自
彊也十月張綱脩攻具成設飛樓縣梯木慢板屋冠以牛
皮弓矢無所用之劉毅遣上黨太守趙恢以千餘人來援
帝夜潛遣軍會之明旦恢衆五千方道而進每晉使將到
輒復如之六年二月丁亥屠廣固超踰城走追獲之斬于
建康市殺其王公以下納生口萬餘馬二千疋初帝之北
也徐道覆勸盧循乘虜而出循不從道覆乃至番禺說循
曰今日之機萬不可失若尅京都劉公雖還無能爲也循
從之是月寇南康廬陵豫章諸郡郡守皆奔走時帝將鎮
下邳進兵河洛及徵使至即日班師鎮南將軍何無忌與

道覆戰敗死於豫章內外震駭朝議欲奉乘輿走帝次山陽聞敗卷甲與數十人造江上徵問知賊尚未至四月癸未帝至都劉毅自表南征帝以賊新捷鋒銳須嚴軍備進使劉藩止之毅不從五月壬午盧循敗毅于桑落洲及審帝凱入相視失色欲還尋陽平江陵據二州以抗朝廷道覆請乘勝遂下爭之旬日乃從于時北師始還傷痍未復戰士纔數千賊衆十餘萬舳舻亘千里孟昶諸葛長人懼欲擁天子過江帝曰今兵士雖少猶足一戰若其剋濟臣主同休如其不然不復能草間求活吾計決矣初帝征慕容超惟孟昶勸行丙辰昶乃表天子引罪仰樂而乞時

議者欲分兵屯守諸津帝曰賊衆我寡分其兵則沮人實一處失利則沮三軍之心若聚衆石頭則衆力不分戊午帝移鎮石城乙丑賊大至帝曰賊若新亭直上且將避之若回泊蔡洲成禽耳徐道覆欲自新亭焚舟而戰循多疑少決每求馮全乃泊蔡洲以待軍潰帝登石頭以望見之悅庚辰賊設伏於南岸疑兵向白石帝率劉毅諸葛長人北拒焉留參軍徐赤特戍查浦戒令勿戰帝既北賊焚查浦而至張侯橋赤特與戰大敗賊進屯丹陽郡帝馳還石頭斬徐赤特解甲久之乃出陣於南塘七月庚申循自蔡洲退將還歸尋陽帝遣輔國將軍王仲德等追之使建

威將軍孫處自海道襲者馬戒之曰我十二月必破祿寇
卿亦足至番禺先傾其巢窟也十月帝率舟師南伐使劉
毅監太尉留府是月徐道規寇江陵荊州刺史劉道規大
破之道覆走還盆口十一月孫處至番禺剋其城盧循父
嘏奔始興處撫其人以守十二月己卯大軍次大雷庚辰
賊方江而下帝躬提幡鼓命衆軍奮力擊之軍中多萬鈞
神弩所至莫不摧陷帝自於中流感之因風水之勢賊艦
悉薄西岸水上軍先備火具焚之大敗循還尋陽遂走穆
章悉力柵合里丙申大軍次左里將戰帝麾之麾竿折幡
沈于水衆咸懼帝笑曰昔覆舟之役亦如此今勝必矣攻

其柵循單舸走衆皆降師旋晉帝遣侍中黃門然帥于行
所七年正月己未振旅而歸改授大將軍揚州牧給班劍
二十人本官並如故固辭凡南北征伐戰亡者並列上賜
贈屍喪未反者遣主帥迎接致還本土二月盧循至番禺
爲孫處所破收餘衆南走劉藩孟懷玉斬徐道覆于始興
自晉中興以來朝綱弛紊權門兼并百姓流離不得保其
產業桓玄頗欲釐改竟不能行帝旣作輔大示軌則豪彊
肅然遠近禁止至是會稽餘姚唐亮復藏匿亡命千餘人
帝誅亮免會稽內史司馬休之晉帝又申前詔帝固辭於
是改授太尉中書監乃受命奉送黃鉞交州刺史杜惠度

斬盧循父子函七首送都先是諸州郡所遣秀才孝廉多非其人帝乃表申明舊例策試之荊州刺史劉道愬疾患求歸八年四月改授豫州刺史以豫州刺史劉毅代之毅既有雄才大志與帝俱興復晉室自謂京城廣陵功足相抗雖權事推帝而心不服也厚自矜許朝士素望者並多歸之與尚書僕射謝混丹陽尹郗僧施並深相結及鎮江陵豫州舊府多割以自隨請僧施為南蠻校尉帝知毅終為異端心密圖之毅至西疾篤表求從弟兖州刺史藩以為副貳帝偽許焉九月藩入朝帝命收藩及謝混並賜死自表討毅又假黃鉞率諸軍西征以前鎮軍將軍司馬休

之為平西將軍荊州刺史兖州刺史道愬領徒豫州刺史諸葛長人監太尉留府事加太尉司馬丹陽尹劉穆之建威將軍配以實力士千發建鄴遣參軍王興龍驤將軍荆思前襲江陵剋之毅及黨與皆穴誅十一月帝至江陵分荊州十郡為湘州帝仍進督焉以西陵太守朱齡石為益州刺史使伐蜀晉帝進帝太傅加羽葆鼓吹班劍二十人九年二月乙丑帝至自江陵初諸葛長人貪淫驕橫帝甚惡之劉毅既誅長人謂所親曰昔年醢彭越今年殺穆信禍其至矣將謀作亂帝剋期至都而每淹留不進公知以下類日奉候於新亭長人亦驟出既而帝

輕舟密至已過東府矣長人到門引前部人閑語凡平生
言所不盡者皆與及之長人甚悅帝已密命左右丁昨自
慢後出於坐拉馬死於牀側輿屍付廷尉并誅其弟黎人
昨驍勇有力時人語曰勿跋扈付丁昨先是山湖川澤皆
為豪彊所奪百姓薪採漁釣皆責稅直至是禁斷之時人
居未一帝上表定制於是依界土斷惟徐兗青三州居晉
陵者不在斷例諸流寓郡縣多所併省以帝領鎮西將軍
豫州刺史帝固讓太傅揚州牧及班劍奉還黃鉞七月朱
齡石平蜀斬譙縱傳首建邺九月晉帝以帝平齊定盧循
功封帝次子義真為桂陽縣公并重申前命授帝太傅揚

州牧加羽葆鼓吹班劍二十人將遣百僚敦勸乃受羽葆
鼓吹班劍餘固辭十年息人簡役築東府城起府舍帝以
荊州刺史司馬休之宗室之重又得江漢人心疑其有異
志而休之子譙王文思在都招聚輕俠帝執送休之令自
為其所休之表廢文思并與帝書陳謝十一年正月帝收
休之子文寶兄子文祖並賜死率眾西討復加黃鉞領荆
州刺史以中軍將軍道憐監留府事休之上表自陳并罪
狀帝休之府錄事參軍韓延之有幹用才帝未至江陵密
書招之延之報書曰承親率戎馬遠履西偏闔境士庶莫
不惶駭辱疏知以譙王前事良增歎息司馬平西體國忠

貞款懷待物以公有匡復之勳國家賴推德委誠每事
詢仰譙王往以微事見刻猶自表遜位況以大過而當默
邪來示云憂懷期物自有由來今代人之君皆人以利真
可謂憂懷期物者矣劉藩死於閭闔之門諸葛斃於左右
之手甘言說方伯襲之以輕兵遂使席上靡款懷之士聞
外無自信諸侯以為得第良所恥也吾雖鄙劣嘗聞道於
君子以平西之至德寧可無後命之臣乎假天長喪亂九
流渾濁當與臧洪游於地下不復多云帝視書歎息以示
將佐曰事人當如此三月軍次江陵初雍州刺史魯宗之
負力好亂且慮不為帝容黨為讖曰魚登曰輔帝室與休

之相結至是率其子竟陵太守軌會于江陵帝濟江休之
衆潰與軌等奔襄陽江陵平加領南蠻校尉將南蠻遇
四廢日佐史鄭鮮之等白遷且不許下書開寬大之恩四
月進軍襄陽休之等奔姚興晉帝復申前令授太傅揚州
牧劍履上殿入朝不趨讚拜不名加前部羽葆鼓吹置左
右長史司馬從事中郎四人封第三子義隆為北彭城縣
公八月甲子帝至自江陵奉還黃鉞固辭太傅州牧前部
羽葆鼓吹其餘受命十二年正月晉帝詔帝依舊辟去加
領平北將軍兖州刺史增督南秦凡二十二州帝以平北
文武寡少不宜別置於是罷平北府以併天府三月加帝

中外大都督初帝平齊仍有定關洛意盧循侵逼故寢
及荆雍平乃謀外略會姚興死子泓自立兄弟相殺關中
擾亂四月乙丑帝表伐關洛乃戒嚴封加領征西將軍
司豫二州刺史以世子為徐兗二州刺史帝以義聲懷遠
奉琅邪王北伐五月廬江霍山崩獲大雉獻之天子癸巳
加領北雍州刺史前後部羽葆鼓吹增班劍為四十人八
月乙巳率大衆進發以世子為中軍將軍監太尉留府事
尚書右僕射劉穆之為左僕射領監軍中軍二府軍司入
居東府總攝內外九月帝至彭城加領北徐州刺史十月
衆軍至洛圍金墉降之脩復晉五陵置守衛十二月壬申

晉帝加帝位相國總百揆揚州牧封十郡為宋公備九錫
之禮加璽紱遠游冠綠綬綬位在諸侯王上策曰朕以寡
昧仰贊洪基夷羿乘釁蕩覆王室越在南鄙遷于九江宗
祀絕饗人神無位提挈羣凶寄命江浦則我祖宗之列奄
墜幸地七百之祚翦焉既傾若涉巨海罔知收濟天未絕
晉誕育英輔振厥弛維再造區寓興亡繼絕俾昏作明元
勳至德朕實收願今將授公曲策其敬聽朕命乃者桓玄
肆僭滔天泯夏校本塞源顛蹶六位庶僚俛眉四方莫恤
公精貫朝日氣陵虹蜺奮其靈武大殲羣慝剋復皇邑奉
歆神祇此公之大節始於勤王者也授律羣后順流長驚

澤伐崢嶸獻捷南郢大憝折首羣逆畢夷三光旋采舊物
反正此又公之功也出藩入輔弘茲保弼阜財利用繁殖
黎元編戶歲滋疆宇日啓導德明刑四境有截此又公之
功也鮮卑負衆僭盜三齊介恃遐阻仍爲邊害公蒐乘秣
馬負入遠疆衝櫓四臨萬雉俱潰拓土三千申威龍漠此
又公之功也盧循祚凶伺隙五嶺侵覆江豫矢及王城國
議遷都之規家獻徙卜之計公乘轅南濟義形于色運奇
機略英謀不世狡寇窮衄喪旗宵遁俾我畿甸極於將墜
此又公之功也追奔逐北殲旂江濱偏旅浮海指日端至
番馬之功俘級萬數左里之捷鳥散魚潰元凶遠鼠傳首

萬里此又公之功也劉毅叛換首豐西夏陵上罔去志肆
姦暴公禦軌以刑消之不日罪人斯得荆衡寧晏此又公
之功也誰縱怙亂寇竊一隅王化阻闕三巴淪溺公指命
偏帥授以良圖陵波憑湍致屈井絡僭豎伏鎮梁岷草偃
此又公之功也馬休魯宗阻兵內侮驅率二方連旗稱亂
公投袂星言研其上略江津之師勢踰風電回旆沔川寔
繁震懾二叛奔迸荆雍來蘇此又公之功也永嘉不競四
夷擅華五都傾蕩山陵幽辱祖宗懷沒世之憤遺甌有匪
風之思公遠齊阿衡納隍之仁近同小白滅亡之耻鞠旅
陳師赫然大號分命羣帥北徇司寇許鄭風靡輦洛載清

百年榛穢一朝掃滌此又公之功也公有康宇內之勳重之以明德爰初發跡則竒謨冠古電擊疆祿則鋒無前對聿寧東畿大造黔首若乃草昧經綸化融於歲計扶危靜亂道固於包桑蠲削煩苛較若畫一淳風美化盈塞區寓是以絕域獻琛遐夷納賁王略所具九服率從雖文命之東漸西被各繇之邁于種德何以尚茲朕聞先王之宰世也庸勳尊賢建侯胙土褒以寵章崇其微物所以協輔皇室永隆藩屏故曲阜光啓遂荒徐宅營丘表海四履有聞其在襄王亦賴匡霸又命晉文備物光賜惟公道冠前烈勳高振古而殊典未飾朕其惜焉今進授相國以徐州之

彭城沛蘭陵下邳淮陽山陽高陵兗州之高平魯泰山十郡封公為宋公錫茲玄土首以白茅爰定爾居用建冢社昔晉鄭啓藩入作卿士周召保傅出總二南內外之任公實兼之今命使持節兼太尉尚書左僕射晉寧縣五等男湛受相國印綬宋公璽綬使持節兼司空散騎常侍尚書陽遂鄉侯泰授宋公茅土並虎符第一至第五左竹使符第一至第十左相國位無不總禮絕朝班居常之名宜與事革其以相國摠百揆去錄尚書之號上送所假節侍中貂蟬中外都督太傅太尉印綬豫章公印策進揚州刺史為牧領征西將軍司豫北徐雍四州刺史如故公紀綱禮

度萬國是式乘介路方罔有遷志是用錫公大路戎路各
一玄牡二駟公抑末敷本務農重積米繁實殷稼播惟阜
是用錫公衮冕之服赤舄副馬公閑邪納正移風改俗陶
鈞品物如樂之和是用錫公軒赫之樂六佾之舞公宣美
王化導揚休風華夷企踵遠人胥奉是用錫公朱戶以居
公官方任能網羅幽滯允舉辭野髦士盈朝是用錫公納
陛以登公當軸處中率下以義式遏寇讎滌除苛慝是用
錫公虎賁之士三百人公明罰恤刑庶獄詳允放命干紀
罔有收縱是用錫公鈇鉞各一公龍驤鳳矯咫尺八紘括
囊四海折衝無外是用錫公彤弓一彤矢百絃弓十絃矢

千公溫恭孝思致虔禮祀忠肅之志儀刑四方是用錫公
拒鬯一卣圭瓚副焉宋國置丞相以下一遵舊儀欽哉其
祇服往命茂對天休簡恤庶邦敬敷顯德以終我高祖之
嘉命置宋國侍中黃門侍郎尚書左丞相大使奉迎抱罕
虜乞伏熾盤遣使謁帝求効力討姚泓拜為平西將軍河
南公十三年正月帝以舟師進討留彭城公義隆鎮彭城
軍次陳留城經張良廟下令以時脩飾棟宇致薦焉晉帝
追贈帝祖為太常父為特進左光祿大夫讓不受二月冠
軍將軍檀道濟等軍次潼關三月庚辰帝率大軍入河五
月帝至洛陽謁晉五陵七月至陝龍驤將軍王鎮惡舟師

自河浮渭八月扶風太守沈田子大破姚泓軍於藍田王
 鎮惡剋長安禽姚泓始義熙九年歲鎮熒惑大白聚東并
 至是而關中平九月帝至長安長安豐稔帑藏盈積帝先
 收其彝器渾儀土圭記里鼓指南車及秦始皇玉璽送之
 都其餘珍寶珠玉悉以班賜將帥遷姚宗于江南送泓斬
 于建康市謁漢長陵大會文武於未央殿十月晉帝詔進
 宋公爵為王加十郡益宋國並前為二十郡其相國揚州
 牧領征西將軍司豫北徐雍四州刺史如故帝欲息駕長
 安經略趙魏十一月前將軍劉穆之卒乃歸十二月庚子
 發自長安以桂陽公義真為雍州刺史鎮長安留腹心將

佐以輔之十四年正月壬戌帝至彭城解嚴息甲以輔國
 將軍劉遵考為并州刺史領河東太守鎮蒲坂帝解司州
 領徐冀二州刺史固讓進爵時漢中成固縣漢水崖際有
 異聲如雷俄頃岸崩有銅鍾十二出自潛巖葦縣人宗曜
 於其田所獲嘉禾九穗同莖帝以獻晉帝以歸于我帝冲
 讓乃止六月丁亥受相國宋公九錫之命下令赦國內殊
 死以下詔崇豫章太夫人為宋公太妃世子為中軍將軍
 副貳相國府百官悉依天朝之制又詔宋國所封十郡之
 外悉得除用先是安西中兵參軍沈田子殺安西司馬王
 鎮惡諸將殺安西長史王脩關中亂十月帝遣右將軍朱

齡石代安西將軍桂陽公義真為雍州刺史義真還為赫連勃勃所追大敗僅以身免諸將帥及齡石並沒十二月晉安帝崩大司馬琅邪王即帝位元熙元年正月晉帝詔徵帝入輔又申前令進公爵為王以徐州之海陵北東海北譙北梁豫州之新蔡兗州之北陳留司州之陳郡汝南潁川滎陽十郡增宋國七月乃受命赦國內五歲刑以下遷都壽陽九月解揚州十二月晉帝命帝免十有二旒建天子旌旗出籓入蹕乘金根車駕六馬備五時副車置旄頭雲罕樂僂八佾設鍾靈宮縣進王太妃為太后王妃為王后世子為太子王子王孫爵命之號一如舊儀二年正月

月帝表讓殊禮竟陵郡江濱自開出古銅禮器十餘枚帝獻之晉帝讓不受於是歸諸瑞物藏於相府四月詔遣敦勸兼徵帝入輔六月壬戌帝至都甲寅晉帝禪位于宋有司草詔既成請書之天子即便操筆謂左右曰桓玄之時天命已改重為劉公所延將二十載今日之事本所甘心甲子遣使奉策曰咨爾宋王夫玄古權輿愆哉邈矣其詳靡得而聞爰自書契降逮三五莫不以上聖君四海止戈定大業然則帝王者宰物之通器君道者天下之至公也昔在上葉深監茲道是以天祿既終唐虞弗得傳其嗣符命來格舜禹不獲全其謙以經緯三才澄序彝化作範

振古垂風萬葉莫尚於茲自是厥後歷代彌劬漢既嗣德
於放勳魏亦方軌於重華諒以恊謀乎人鬼而以百姓為
心者也昔我祖宗欽明辰居其極而明晦代序盈虧有期
翦商兆禍非惟一世曾是弗剋矧伊在今天之所廢有自
來矣惟王體上聖之姿包二儀之德明齊日月道合四時
乃者社稷傾覆王極而存之中原蕪梗又濟而復之自負
固不賓干紀放命肆逆滔天竊據萬里靡不潤之以風雨
震之以雷霆九伐之道既敷八法之化自理豈伊博施於
人濟斯黔庶固已義洽四海道盛八荒者矣至於上天垂
象四靈効徵圖讖之文既明人神之望已改百工歌於朝

庶人頌乎野億兆抃踴傾仰惟新自非百姓樂推天命收
集崑伊在予所得獨專是用仰祇皇靈俯順群議敬禪神
器授帝位于爾躬大祚其躬天祿永終於戲王其允執其
中敬遵典訓副率土之嘉願恢洪業於無窮時膺休祐以
荅三靈之眷望又遣使持節兼太保散騎常侍光祿大夫
謝澹兼太尉尚書劉宣範奉鬯書歸皇帝璽綬受終之禮
一如唐虞漢魏故事帝奉表陳讓晉帝已遜于琅邪王第
表不獲通於是陳留王虔嗣等二百七十人及宋臺群臣
並上表勸進猶不許太史令駱達陳天文符應曰紫晉義
熙元年至元熙元年太白晝見經天凡七占曰太白經天

人更主異姓興義熙七年五虹見于東方占曰五虹見天子黜聖人出九年鎮星歲星太白災感聚于東井十三年鎮星入太微占曰鎮星守太微有立王有徙王元熙元年冬黑龍四登于天易傳曰冬龍見天子立社稷大人受命冀州道人釋法稱告其弟子曰嵩神言江東有劉將軍漢家苗裔當受天命吾以璧三十二鎮金一餅與之劉氏卜世之數也漢建武至建安末一百九十六年而禪魏魏自黃初至咸熙末四十六年而禪晉晉自太始至今百五十六年三代揖讓成窮於六又漢光武社于南陽漢末而其樹死劉備有蜀廼應之而興及晉季年舊根始萌至是而

盛矣若此者有數十條君臣又固請乃從之

永初元年夏六月丁卯皇帝即位於南郊設壇柴燎告天曰皇帝臣裕敢用玄牡昭告于皇皇后帝晉以下世告終歷數有歸欽若景運以命于裕夫樹君宰世天下為公德充帝王樂推攸集越俶唐虞降鑿漢魏靡不以為上哲格文祖元勳陟帝位故能大拯黔首垂訓無窮晉自東遷四維不振宰輔焉依為日已久難棘隆安禍成元興遂至帝主遷播宗祀堙滅裕雖地非齊晉眾無一旅仰憤時難俯悼橫流投袂一起則皇祀剋復及危而能持顛而能扶茲究具殲僭偽亦滅誠興廢有期否終有數至於大造晉室

撥亂濟時因藉時來寔尸其重加以殊俗慕義重譯來庭
正朔所暨咸服聲教至乃三靈垂象山川告祥人神協祉
歲月滋著是以群公卿士億兆夷人僉曰皇靈降鑒於上
晉朝款誠於下天命不可以久淹宸極不可以暫曠遂逼
群議恭茲大禮猥以寡德託于兆人之上雖仰畏天威略
是小節顧探求懷祗懼若霄敬簡元日升壇受禪告類上
帝用酬萬國之情克隆天保永祚于有宋惟明靈是饗禮
畢備法駕幸建康宮臨太極前殿大赦改元賜人爵二級
鰥寡孤獨不能自存者人穀五斗逋租宿責勿收其犯鄉
論清議贓污淫盜一皆蕩滌長徒之身特肯原遣亡官失

爵禁錮奪勞一依舊準封晉帝為零陵王全食一郡載天
子旌旗乘五時副車行晉正朔郊祀天地禮樂制度皆用
晉典上書不為表答表不稱詔宮于故秣陵追尊皇考為
孝穆皇帝妣為穆皇后尊王太后為皇太后詔曰夫微禹
之感歎深後昆愛人懷樹猶或勿翦雖在異代義無廢絕
降殺之儀一依前典可降始興公為縣公廬陵公為柴桑
縣公始安公為荔浦縣侯長沙公為醴陵縣侯康樂公即
降為縣侯奉王導謝安溫嶠陶侃謝玄之祀其宣力義熙
者一仍本秩庚午以司空道憐為太尉封長沙王立南郡
公義慶為臨川王又詔論戰亡追贈及酬賞除復之科乙

封皇子桂陽公義貞爲廬陵王彭城公義隆爲宜都王
義康爲彭城王丁丑使使巡行四方旌賢舉善問人疾苦
獄訟虧濫政刑革行傷化擾俗未允人聽者皆具以聞戊
寅詔增百官奉巳卯改晉泰始歷爲永初歷社以子臘以
辰秋七月丁亥原放劫賊餘口没在臺府者諸流徙之家
並聽還本又以市稅繁苦優量減降從征閩洛殞身不及
者贈賜其家巳丑陳留王曹虔嗣薨辛卯復置五校三將
官增殿中將軍負二十人餘在負外戊戌征西大將軍開
府儀同三司楊盛進號車騎大將軍甲辰鎮西將軍李歆
進號征西大將軍平西將軍乞伏熾盤進號安西大將軍

征東將軍高句麗王高璉進號征東大將軍鎮東將軍百
濟王扶餘映進號鎮東大將軍置東宮冗從僕射旅賁中
郎將官戊申遷神主於太廟車駕親奉壬子詔改權制率
從寬簡八月辛酉詔舊郡縣以北爲名者悉除之寓立於
南者聽以南爲號戊辰詔曰彭城桑梓敦本斯隆宜同豐
沛其沛郡下邳各復租布三十年辛未追謚妃臧氏爲敬
皇后陵曰永寧癸酉立王太子義符爲皇太子乙亥赦見
罪人閏月壬午置晉帝諸陵守衛其名賢先哲詳加灑掃
丁酉林邑國遣使朝貢九月壬子置東宮殿中將軍十人
負外二十人壬申置都官尚書是歲魏明元皇帝太常五

年西涼亡

二年春正月辛酉祀南郊大赦丙寅斷金銀塗以揚州刺史廬陵王義真爲司徒以尚書僕射徐羨之爲尚書令揚州刺史己卯禁喪事用銅釘罷會稽郡府二月乙丑策試州郡秀孝于延賢堂倭國遣使朝貢三月乙丑初限荊州府置將不得過二千人吏不得過一萬人州置將不得過五百人吏不得過五千人兵士不在此限夏四月己卯初禁淫祀除諸房廟其先賢以勲德立祠者不在此例戊辰聽訟於華林園五月己酉置東宮屯騎步兵翊軍三校尉官秋七月己巳地震九月己丑零陵王殂宋志也車駕率

百僚臨于朝堂三日如魏明帝服山陽公故事使兼太尉持節護喪事葬以晉禮冬十月己亥以涼州胡帥大且渠蒙遜爲鎮軍大將軍開府儀同三司涼州刺史十一月辛亥葬晉恭皇帝于沖平陵車駕率百官瞻送

三年春正月甲辰朔詔刑罪無輕重悉原之癸丑以尚書令揚州刺史徐羨之爲司空錄尚書事刺史如故進江州刺史王弘衛將軍開府儀同三司以太子詹事傅亮爲尚書僕射二月丙戌有星孛于虛危三月上不豫太尉長沙王道憐司空徐羨之尚書僕射傅亮領軍將軍謝晦護軍將軍檀道濟並入侍醫藥群臣請祈禱神祇上不許惟使

侍中謝方明以疾告廟而已丁未以廬陵王義真爲侍中
車騎將軍開府儀同三司南豫州刺史己未上疾瘳大赦
夏四月乙亥封仇池公楊盛爲武都郡王五月上疾甚召
太子戒之曰檀道濟雖有幹略而無遠志非如兄韶有難
御之氣徐羨之傅亮當無異圖謝晦串從征伐頗識機變
若有異必此人也小却可以會稽江州處之又爲手詔朝
廷不須復有別府宰相帶揚州可置甲士千人若大臣中
任要宜有爪牙以備不祥人者可以臺覓留隊給之有征
討悉配以臺覓軍隊行還復舊後世若有幼主朝事一委
任宰相母后不煩臨朝仗既不許入臺殿門要重人可詳

給班劍癸亥上崩于西殿時年六十七月己酉葬丹陽建
康縣蔣山初寧陵羣臣上謚曰武皇帝廟號高祖上清簡
寡欲嚴整有法度未嘗視珠玉輿馬之飾後庭無紈綺絲
竹之音初朝廷未備音樂長史殷仲文以爲言帝曰日不
暇給且所不解仲文曰屢聽自然解之帝曰政以解則好
之故不習耳寧州嘗獻虎魄枕光色甚麗價盈百金時將
北伐以虎魄療金創上大悅命碎分賜諸將平關中得姚
興從女有盛寵以之廢事謝晦諫即時遣出財帛皆在外
府內無私藏宋臺建有司奏東西堂施局脚牀金塗釘上
不許使用直脚牀釘用鐵廣州嘗獻入筒細布一端八丈

帝惡其精麗勞人。即付有司。彈太守以布還之。并制嶺南禁作此布。帝素有熱病。并患金創。末年尤劇。坐卧常須冷物。後有人獻石牀。寢之極以為佳。乃歎曰。木牀且費。而況石邪。即令毀之。制諸主出適。遣送不過二十萬。無錦繡金玉。內外奉禁。莫不節儉。性尤簡易。嘗普連齒木。及好出神武門內。左右逍遙從者不過十餘人。時徐羨之住西州。嘗思羨之便步出西掖門。羽儀絡驛追隨。已出西明門矣。諸子旦間起居。入閣脫公服。止著裙帽如家人之禮焉。微時躬耕於丹徒。及受命。耨耜之具頗有存者。皆命藏之。以留於後。及文帝幸舊宮。見而問焉。左右以實對。文帝色慙。有

近侍進曰。大舜躬耕歷山。伯禹親事土木。陛下不親刻。聖之遺物。何以知稼穡之艱難。何以知先帝之至德乎。及孝武大明中。壞上所居陰室。於其處起玉燭殿。與群臣觀之。牀頭有土障。壁上挂葛燈籠。麻繩拂侍中衣。顛盛稱上儉素之德。孝武不荅。獨曰。田舍公得此。以為過矣。故能光有天下。克成大業。盛矣哉。

少帝諱義符。小字車兵。武帝長子也。母曰張夫人。晉義熙二年。生帝於京口。時武帝年踰不惑。尚未有男。及帝生。甚悅。年十歲。拜豫章公。世子。帝膂力絕人。善騎射。解音律。宋臺建拜宋世子。元熙元年。進為宋太子。武帝受禪。立為皇

太子承初三年五月癸亥武帝崩是日太子即皇帝位大赦制服三年尊皇太后曰太皇太后六月壬申以尚書僕射傅亮為中書監尚書令司徒徐羨之領軍將軍謝晦及亮輔政戊子太尉長沙王道愔薨九月丁未有司奏武皇帝配南郊武敬皇后配北郊十一月戊午有星孛于營室十二月庚戌魏軍剋滑臺

景平元年春正月己亥朔大赦改元文武賜位二等辛丑祀南郊魏軍攻金墉城癸卯河南郡失守乙卯有星孛于東壁二月丁丑太皇太后崩鎮軍大將軍大且渠蒙遜河東鮮卑吐谷渾阿豺並遣使朝貢庚辰進蒙遜驃騎大將

軍封河西王以阿豺為安西將軍沙州刺史封澆河公三月壬寅孝懿皇后祔葬于興寧陵是月高麗國遣使朝貢夏閏四月己未魏軍剋虎牢秋七月癸酉尊所生張夫人為皇太后丁丑赦五歲刑以下冬十月己未有星孛于天是歲魏明元皇帝崩

二年春二月己卯朔日有蝕之發南豫州刺史盧陵王義真為燕人徙新安郡乙巳大風天有雲五色占者以為有兵殺使使者誅皇弟義真于新安高麗國遣使朝貢時高麗所為多乖失夏五月己酉皇太后令皇孫帝過惡廢為陽王一依漢昌邑晉海西故事奉迎鎮西將軍宜都

王莽陰入禁宮，始徐羨之傳亮將廢帝，諷王弘檀道濟求赴國許，弘等奉朝使中書舍人邢安泰潘盛為內應。是旦道濟謝晦領兵居前，羨之等隨後，因東掖門開入，自雲龍門盛等先戒宿衛，莫有禦者。時帝於華林園為列肆，親自酤賣，又開溝聚土，以象破岡，與左右引船唱呼，以為歡樂。夕游天泉池，即龍舟而寢。其朝未興，兵士進殺二侍者於帝側，傷帝，拍扶出東閣，就收璽，殺群臣，拜辭送于東宮，遂幽于吳郡。是日赦死罪以下，太后令悉出還璽，絃檀道濟入守朝堂。六月癸丑，徐羨之等使中書舍人邢安泰殺帝於金昌亭。帝有勇力，不即受制，突走出，出日門，追以門關。

陪之致殞時年十九

論曰：晉自杜縵南遷，王綱弛紊，朝權國命，遂歸台輔。君道雖存，主威久謝。桓溫雄才蓋世，勳高一時，移鼎之業已成。天人之望，將改自斯。以後帝道彌昏，道子開其禍端，元顯成其讞末。桓玄乘時藉運，加以先資，革命受祿，人無異望。宋武地非齊晉，眾無一旅，曾不決旬，夷凶翦暴，諒內清外功，格上下。若夫樂推所歸，謳歌所集，校之魏晉，可謂收其寔矣。然武皇將涉知命，弱嗣方育，顧有慈顏，前無嚴訓，少帝體易染之質，稟可下之姿，外物莫犯其心，所欲必從其志。峻縱非學而能危亡，不期而集其至，顯沛非不幸也。悲

哉

宋本紀上第一

南史

宋本紀中第二

南史二

李

延壽

太祖文皇帝諱義隆小字車兒武帝第三子也晉義熙三年生於京口十一年封彭城縣公永初元年封宜都郡王位鎮西將軍荆州刺史加都督時年十四長七尺五寸博涉經史善騎射是歲來朝會武帝當聽訟仍遣上訊建康獄囚辯斷稱旨武帝甚悅景平初有黑龍見西方五色雲隨之平江陵城上有紫雲望氣者皆以為帝王之符當在西方是年少帝廢百官議所立徐羨之傅亮等以楨符所集備法駕奉迎入奉皇統行臺至江陵尚書令傅亮奉

表進璽紋州府佐吏並稱臣請題榜諸門一依宮省上皆
不許教州府國綱紀宥所統內見刑是時司空徐羨之等
新有弑害及鑿駕西迎人懷疑懼惟長史王曇首司馬王
華南蠻校尉到彦之共期朝臣未有異志帝曰諸公受遺
不容背貳且勞臣種將內外充滿今兵力又足以制物夫
何所疑甲戌乃發江陵命王華知州府留鎮陝西令到彦
之監襄陽軍馮在道有異龍躍泉上所乘舟左右莫不失
色上謂王曇首曰此乃夏禹所以受天命我何德以堪之
及至都群臣迎拜於新亭先詣初寧陵還次中堂百官奉
璽絃冲讓未受勸請數四乃從之

元嘉元年秋八月丁酉皇帝即位于中堂備法駕入宮御
太極前殿大赦改元文武賜位二等戊戌拜太廟詔追復
廬陵王先封奉迎靈柩辛丑謁臨川烈武王陵癸卯進司
空徐羨之位司徒江州刺史王弘位司空尚書令傅亮左
光祿大夫開府儀同三司甲辰追尊所生胡婕妤為章皇
太后封皇弟義恭為江夏王義宣為竟陵王義季為衡陽
王己酉滅荆湘二州今年稅布之半九月丙子立妃袁氏
為皇后是歲魏太武皇帝始光元年

二年春正月丙寅司徒徐羨之尚書令傅亮奉表歸政上
始親覽萬機辛未祀南郊大赦秋八月乙酉驃騎將軍南

徐州刺史彭城王義康以本號開府儀同三司改授司空
王弘車騎大將軍開府儀同三司冬十月庚午以武都王
世子楊玄為北秦州刺史襲封武都王是歲赫連屈丐死
三年春正月丙寅司徒徐羨之尚書令傅亮有罪伏誅遣
中領軍劉彥之征北將軍檀道濟討荊州刺史謝晦上親
率六師西征大赦丁卯以江州刺史王弘為司徒錄尚書
事二月戊午以金紫光祿大夫王敬弘為尚書左僕射豫
章太守鄭鮮之為右僕射戊辰到彥之檀道濟大破謝晦
於豫章丙子車駕自蕪湖反旆己卯禽晦於延頭送都伏
誅夏五月乙未以征北將軍南兖州刺史檀道濟為征南
大將軍開府儀同三司江州刺史乙巳驃騎大將軍涼州
牧大且渠蒙遜改為車騎大將軍詔大使巡行四方觀省
風俗丙午臨延賢堂聽訟自是每歲三訊秋旱且蝗冬十
二月前吳郡太守徐佩之謀反伏誅

四年春正月乙亥朔曲赦建鄴百里內辛巳祀南郊二月
乙卯行幸丹徒謁京陵三月丙子宴丹徒宮帝鄉父老咸
與焉蠲丹徒今年租布原五歲刑以下丁亥車駕還宮戊
子尚書右僕射鄭鮮之卒壬寅採富陽令諸葛闡議禁斷
夏至日五絲命縷之屬夏五月都下疾疫遣使存問給醫
藥死無家屬者賜以棺器六月癸卯朔日有蝕之

五年春正月乙亥詔以陰陽愆序求讜言甲申臨玄武館
闕武戍子都下大火遣使慰慰振恤夏六月庚戌司徒王
弘降為衛將軍開府儀同三司都下大水乙卯遣使檢行
振贍十二月天竺國遣使朝貢是歲魏神龜元年大武皇
帝伐赫連昌滅之乞火熾盤死

六年春正月辛丑祀南郊癸丑以荊州刺史彭城王義康
為司徒錄尚書事三月丁巳立皇子劭為皇太子戊午大
赦賜文武位一等夏四月癸亥以尚書左僕射王敬弘為
尚書令丹陽尹臨川王義慶為尚書左僕射吏部尚書江
夷為右僕射五月壬辰朔日有蝕之秋七月百濟國遣使

朝貢冬十一月己丑朔日有蝕之星晝見十二月西河河
南國並遣使朝貢

七年春二月壬戌雪且雷三月戊子遣左將軍到彥之侵
魏夏六月己卯封氏楊難當為武都王冬十月戊午立錢
署鑄四銖錢戊寅魏剋金墉城十一月癸未又剋武牢壬
辰遣征南大將軍檀道濟拒魏右將軍到彥之自滑臺奔
退十二月都下火延燒于太社北墻是歲馮跋死倭百濟
呵羅單林邑呵羅他師子等國並遣使朝貢吳興晉陵義
興大水遣使巡行振恤

八年春二月辛酉魏剋滑臺突西檀道濟引軍還自是河

南復亡三月大雩夏六月乙丑大赦旱故又大雩閏六月
乙巳遣使省行獄訟簡息徭役

九年春二月辛卯詔曰故太傅長沙景王故大司馬臨川
烈武王故司徒南康文宣公穆之衛將軍華容公弘征南
大將軍永脩公道濟故左將軍龍陽侯鎮惡或履道廣深
執德冲邈或雅量高劭風鑒明遠或識準弘正才畧開邁
咸文德以弘帝載武功以隆景業而太常未銘從祀關享
寤寐屬慮永言興懷便宜配祭朝廷勒功天府三月庚戌
進衛將軍王弘為太保丁巳加江州刺史檀道濟為司空
夏五月壬申新除太保王弘薨六月癸未置積射彊弩將

軍官也未以征西將軍沙州刺史吐谷渾慕積為征西大
將軍西秦河二州刺史隴西王壬寅以撫軍將軍江夏王
義恭為征北將軍開府儀同三司南兖州刺史秋七月庚
午以領軍將軍殷景仁為尚書僕射冬十二月庚寅立皇
子紹為廬陵王奉孝獻王祀江夏王義恭子劼為南豐王
奉營陽王祀是歲魏延和元年

丁年春正月甲寅改封竟陵王義宣為南譙王己未大赦
夏林邑闍婆娑州訶羅單國並遣使朝貢秋七月戊戌曲
赦益梁秦三州冬十一月戊戌揚難當據有梁州是月且渠
蒙遜死

十一年夏四月梁秦二州刺史蕭思話破氏梁州平五月
丁卯曲赦梁南秦二州劔閣以北戊寅以大丘渠茂虔為
征西大將軍梁州刺史封西河王是歲林邑扶南訶羅單
國並遣使朝貢

十二年春正月辛酉大赦辛未祀南郊癸酉封馮弘為燕
王夏四月丙辰詔內外舉士都下地震六月禁酒師子國
遣使朝貢丹陽淮南吳興義興大水都下乘船已酉以
徐豫南兖三州會稽宣城二郡米穀百萬斛賜五郡遭水
人秋七月辛酉閭娵娵達扶南國並遣使朝貢八月乙亥
原除遭水郡諸逋負九月蜀賊張尋為寇是歲魏太延元年

十三年春正月癸丑朔上有疾不朝會三月己未誅司空
江州刺史檀道濟庚申大赦夏六月高麗武都等國並遣
使朝貢秋七月己未零陵王太妃殂追崇為晉皇后葬以
晉禮九月癸丑立皇子濬為始興王駿為武陵王是歲馮
弘奔高麗

十四年春正月辛卯祀南郊大赦戊戌鳳凰二見于都下
衆鳥隨之改其地曰鳳凰里夏四月蜀賊張尋趙廣降遷
之建鄴冬十二月辛酉初停賀雪河南西河訶羅單國並
遣使朝賀

十五年春正月以平東將軍吐谷渾慕延為鎮西將軍秦

南史齊紀二
河二州刺史封隴西王秋七月辛未地震新作東宮是歲
武都河南高麗倭扶南林邑等內並遣使朝貢立儒學館
于北郊命雷次宗居之

十六年春正月戊寅闕武于北郊庚寅進彭城王義康為
大將軍領司徒以開府儀同三司江夏王義恭為司空夏
六月己酉改封隴西王吐谷渾慕延為河南王秋八月庚
子立皇子鐔為南平王九月魏滅且渠茂慶冬十二月乙
亥皇太子冠大赦是歲武都河南林邑高麗等國並遣使
朝貢上好儒雅又命丹陽尹何尚之立玄素學著作佐郎
何承天立史學司徒參軍謝元立文學各聚門徒多就業

者江左風俗於斯為美後言政化稱元嘉焉

十七年夏四月戊午朔日有蝕之秋七月壬子皇后袁氏
崩八月徐兗青異四州大水遣使振恤九月壬子葬元皇
后于長寧陵冬十月戊午前丹陽尹劉湛有罪伏誅大赦
文武賜爵一級以大將軍領司徒錄尚書事彭城王義康
為江州刺史大將軍如故甲戌以司空江夏王義恭為司
徒錄尚書事十一月尚書僕射揚州刺史殷景仁卒十二
月癸亥以光祿大夫王球為尚書僕射戊辰武都河南百
濟等國並遣使朝貢是歲魏太平真君元年

十八年春三月庚子雨雹戊申置尚書刪定郎官夏五月

壬午衛將軍南兖州刺史臨川王義慶征北將軍南徐州
刺史南譙王義宣並開府儀同三司甲申河水汎溢害居
人六月戊辰遣使巡行賑贍冬十一月戊子尚書僕射王
球卒己亥以丹楊尹孟顛為尚書僕射氏楊難當寇漢川
十二月晉寧太守爨松子舉兵反寧州刺史徐循討平之
是歲河南肅特高麗蘇摩黎林邑等國並遣使來朝貢
十九年夏四月甲戌上以久疾愈始奉初祠太赦五月庚
寅梁秦二州刺史劉貞道龍驤將軍裴方明破楊難當仇
池平閏月都下水遣使巡行賑恤六月以大且渠死諱為
征西大將軍涼州刺史封西河王秋七月甲戌晦日有蝕

之九月丙辰有客星在北斗因為彗入文昌貫五車掃畢
拂天節經天苑季冬乃滅冬十二月丙申詔奉聖之衛速
議承襲及令脩廟四時饗祀并命蠲近墓五家供洒掃栽
松栢六百株是歲蠕蠕河南扶南婆皇國並遣使朝貢西
涼武昭王孫李寶始歸于魏

二十年春正月辛亥祀南郊二月甲申閱武於白下魏軍
剋仇池夏四月甲午立皇子誕為廣陵王秋七月癸丑以
楊文德為征西將軍北秦州刺史封武都王冬十月雷十
二月壬午置藉田是歲河西高麗百濟倭國並遣使朝貢
自去歲至是諸州郡水旱傷稼人大飢遣使開倉賑恤

二十一年春正月己亥南徐南兖南豫州揚州之浙江西
並禁酒辛酉親耕藉田大赦二月己丑司徒錄尚書事江
夏王義恭進位太尉領司徒辛卯立皇子宏為建平王秋
八月戊辰以荊州刺史衡陽王義季為征北大將軍開府
儀同三司南兖州刺史九月甲辰以大且渠安周為征西
將軍涼州刺史封河西王冬十月己亥命刺史郡守脩東
耕丙子雷且電

二十二年春正月辛卯朔改用御史中丞何承天元嘉新
曆二月申戌立皇子禕為東海王昶為義陽王秋七月己
未以尚書僕射孟顓為左僕射中護軍何尚之為右僕射

九月己未開酒禁癸酉宴于武帳堂上將行敕諸子且勿
食至會所賜饌日所食不至有飢色上誡之曰汝曹少長
豐佚不見百姓艱難今使爾識有飢苦知以節儉期物冬
十二月乙未太子詹事范曄謀反及黨與皆伏誅丁酉免
大將軍彭城王義康為庶人絕屬籍是冬浚淮起湖熟廢
田千餘頃

二十三年夏四月丁未大赦六月癸未朔日有蝕之交州
刺史檀和之伐林邑國剋之是歲大有年築北堤立玄武
湖於樂游苑北興景陽山千華林園役重人怨

二十四年春正月甲戌大赦賜文武位一等夏四月河濟

俱清六月都下疫癘使巡省給醫藥以貨貴制大錢一當
兩秋八月乙未徐州刺史衡陽王義季薨冬十一月甲寅
立皇子渾為汝陽王是歲徐充青冀四州大水

二十五年春閏二月己酉大蒐於宣武場三月庚辰校獵

夏四月乙巳新作閭闔廣奠二門改先唐奠門曰承明闕

陽門曰津陽五月乙卯罷當兩大錢六月庚戌零陵王司

馬元瑜薨丙寅加荊州刺史南譙王義宣位司空八月甲

子立皇子彥為淮陽王九月辛未以尚書右僕射何尚之

為左僕射冬青州城南遠望見地中如水有影謂之地鏡

二十六年春正月辛巳祀南郊二月己亥幸丹徒謁京陵

三月丁巳宴于丹徒宮大赦復丹徒縣舊舊公歲租布之

半行所經過蠲田租之半癸亥使祭晉故司空忠肅公何

無忌墓壬午至自丹徒丙戌婆皇國壬辰婆達國並遣使

朝貢冬十月庚子改封廣陵王誕為隨郡王癸卯甚旱見

于太微甲辰以揚州刺史始興王濬為征北將軍開府儀

同三司徐充二州刺史

二十七年春正月辛卯百濟國遣使朝貢二月魏軍攻縣

瓠以軍興減百官奉祿三分之一三月乙丑淮南太守諸

葛闡求減奉祿同內百官於是諸州郡縣丞尉並悉同減

戊寅罷國子學秋七月庚午遣寧朔將軍王玄謨拒魏太

尉江夏王義恭出次彭城總統諸軍冬十一月丁未大赦
十二月庚午魏太武帝率大衆至瓜步聲欲度江都下震
懼咸荷擔而立壬午內外戒嚴緣江六七百里舳舻相接
始議北侵朝士多有不同至是帝登烽火樓極望不悅謂
江湛曰北伐之計同議者少今日士庶勞怨不得無惠貽
大夫之憂在予過矣甲申使饋百牢于魏

二十八年春丁丑丁亥魏太武帝自瓜步退歸倂廣陵居
八萬餘家以北徐豫青冀二兗六州殺略不可勝算所過
州郡赤地無餘二月甲戌降太尉領司徒江夏王義恭為
驃騎將軍開府儀同三司壬午幸瓜步是日解嚴三月乙

酉車駕還宮丙申拜初寧陵大旱夏四月癸酉婆達國遣
使朝貢己卯彗星見于昴是月都下疾疫使巡省給醫藥
五月乙酉亡命司馬順則自號齊王據梁鄒城丁巳婆皇
國戊戌河南國並遣使朝貢戊申以尚書左僕射何尚之
為尚書令太子詹事徐湛之為左僕射護軍將軍壬子彗
星見太微中對帝坐秋七月甲辰進安東將軍倭王綏濟
為安東大將軍八月癸亥梁鄒平斬司馬順則是秋猛獸
入郭內為災冬十月癸亥高麗國遣使朝貢十一月壬寅
曲赦二兗徐豫青冀六州徙彭城流人於瓜步淮西流人
于姑孰合萬許家是歲魏正平元年

二十九年春正月甲午詔經寇六州仍逢災澇可量加救
 贍二月乙丑雷且雪戊午立皇子休仁為建安王三月壬
 午大風拔木都下火夏四月戊午訶羅單國遣使朝貢秋
 七月壬辰改封汝陰王渾為武昌王淮陽王或為湘東王
 丁酉省大司農太子僕廷尉監官九月乙亥以平西將軍
 吐谷渾拾寅為安西將軍秦河二州刺史封河南王冬十
 一月壬寅揚州刺史廬陵王紹薨十二月戊辰黃霧四塞
 辛未以南兖州刺史江夏王義恭為大將軍南徐州刺史
 錄尚書如故是歲魏中常侍宗愛構逆太武皇帝崩乃奉
 南安王余為帝改元為承平後又賊余於是殿中尚書長

孫湯侯尚書陸麗奉皇孫具為文成皇帝改元曰興安

三十年春正月乙亥朔會群臣於太極前殿有青黑氣從
 東南來覆映宮上戊寅以司空荊州刺史南譙王義宣為
 司徒中軍將軍揚州刺史壬午以南徐州刺史始興王濬
 為衛將軍開府儀同三司荊州刺史戊子使江州刺史武
 陵王駿統眾軍伐西陽蠻二月甲子凶劭構逆帝崩于
 合殿時年四十七景皇帝廟號中宗三月癸巳葬長寧
 陵孝武帝踐祚建元諡曰文帝廟號太祖帝聰明仁厚雅
 重文儒躬勤政事孜孜無怠加以在位日久惟簡靖為心
 于時政平訟理朝野悅睦自江左之政所未有也又性存

儉約不好奢侈車府人嘗以輦竿故請改易之又輦席舊以烏皮緣故欲代以紫皮上以竹竿未至於壞紫色貴並不聽改其率素如此云

世祖孝武皇帝諱駿字休龍小字道人文帝第三子也元嘉七年八月庚子夜生有光照室少機穎神明爽發讀書七行俱下才藻甚美雄決愛武長於騎射十二年立為武陵王二十二年累遷雍州刺史自晉河左以來襄陽未有皇子重鎮時文帝欲經略關河故有此授及魏太武大舉至淮南時帝鎮彭城魏使尚書李孝伯至帝遣長史張暢與語而帝改服觀之孝伯目帝不輟及出謂人曰張侯側

有人風骨視瞻非常士也二十八年為都督江州刺史時緣江蠻為寇文帝遣太子步兵校尉沈慶之等伐之使上總統衆軍三十年正月出次西陽之五洲會元凶弒逆上率衆入討荊州刺史南譙王義宣雍州刺史臧質並舉義兵三月乙未建牙于軍門是時多不來舊儀有一翁斑白自稱少從武帝征伐頗悉其事因使指麾事畢忽失所在自冬至春常東北風連陰不霽其日牙立之後風轉而西南景色開霽有紫雲二陰于牙上四月辛酉上次溧州丙寅次江寧丁卯大將軍江夏王義恭來奔奉表上尊號戊辰上至新亭己巳即皇帝位大赦改文帝號謚以大將軍

江夏王義恭為太尉南徐州刺史庚午以荊州刺史南譙
王義宣為中書監丞相揚州刺史並錄尚書具條事以安
東將軍隨王誕為衛將軍荊州刺史加雍州刺史臧質
車騎將軍並開府儀同三司以江州刺史撫軍將軍蕭思話
為尚書左僕射壬申以征虜將軍王僧達為右僕射改新
亭為中興亭夏五月乙亥輔國將軍朱脩之赴東府丙
申赴建鄴二凶及同逆並伏誅庚辰詔分遣大使巡省方
俗是日解嚴卒巳幸東在城甲申尊所生路淑媛為皇
太后乙酉立妃王氏為皇后壬辰以太尉江夏王義恭為太
傅領大司馬甲午謁初寧陵曲赦建鄴二百里內并蠲今年

租稅戊戌以撫軍將軍南平王鐸為司空建平王宏為尚
書左僕射六月丙午車駕還宮初置殿門及上閣門屯兵
庚午以丹楊尹褚湛之為尚書右僕射庚申詔有司論功
班賞各有差辛酉安西將軍西秦河二州刺史吐谷渾拾
寅進號鎮西大將軍開府儀同三司辛未改封南譙王義
宣為南郡王隨王誕為竟陵王閏二月丙子遣兼散騎常侍
樂詢等十五人巡行風俗庚申加太傅江夏王義恭錄尚
書事以荊州刺史竟陵王誕為侍中驃騎大將軍開府儀
同三司揚州刺史甲申蠲尋陽西陽郡租布三年是月置
衛尉官秋七月辛丑朔日有蝕之辛酉詔崇儉約禁淫侈

巳巳司空南平王鐔薨以侍中南郡王世子恢為尚書右僕射冬十月癸未聽訟於闕武堂十一月丙辰停臺省衆官朔望問記丙寅高麗國遣使朝貢十二月甲戌省都水使者官置水衡令官癸未以將置東宮省太子率更令步兵翊軍校尉煖賁中郎將冗從僕射左右積弩將軍官中庶子中舍人庶子舍人洗馬各減舊負之半

孝建元年春正月己亥朔祀南郊大赦改元壬戌更鑄四銖錢丙寅立皇子子業為皇太子賜天下為父後者爵一級是月起正光殿二月庚子豫州刺史魯爽車騎將軍江州刺史臧質丞相荊州刺史南郡王義宣兖州刺史徐道

寶舉兵反壬午曲赦豫州三月癸亥內外戒嚴夏五月甲寅義宣等攻梁山左衛將軍王玄謨大破之己未解嚴癸亥以吳興太守劉延孫為尚書右僕射六月戊辰臧質走至武昌為人所斬傳首建鄴甲戌撫軍將軍柳元景進號撫軍大將軍及鎮北大將軍沈慶之並開府儀同三司癸未罷南蠻校尉官戊子省錄尚書官庚寅義宣於江陵賜死秋七月丙申朔日有蝕之既丙辰大赦賜文武爵一級冬十月戊寅詔開建仲尼廟制同諸侯之禮詳擇爽壇厚給祭秩十一月癸卯復置都水使者官始課南徐州僑人租是歲魏興光元年

二年春二月己丑婆皇國遣使朝貢丙寅以南兖州刺史
沈慶之為左光祿大夫開府儀同三司夏四月壬申河南
國遣使朝貢五月乙未熒惑入南斗戊戌以湘州刺史劉
遵考為尚書右僕射六月甲子以國哀除釋大赦秋七月
癸巳立皇弟休祐為山陽王休茂為海陵王休業為鄱陽
王己酉槃槃國遣使朝貢八月庚申雍州刺史武昌王渾
有罪廢為庶人自殺辛酉斤陀利國遣使朝貢三吳飢詔
所在振貸九月丁亥闕武於宣武場冬十月壬午以揚州
刺史竟陵王誕為司空南徐州刺史以尚書左僕射建平
王宏為尚書令十一月辛亥高麗國遣使朝貢是歲魏太

安元年

三年春正月庚寅立皇弟休範為順陽郡王休若為巴陵
郡王戊戌立皇子子尚為西陽郡王辛丑祀南郊以驃騎
將軍建昌忠公到彦之衛將軍左光祿大夫新建文宣侯
王華豫寧文侯王曇首配饗文帝廟庭壬子皇太子納妃
甲寅大赦群臣上禮二月丁丑制朔望臨西堂接群下受
奏事閏三月癸酉鄱陽王休業薨夏四月甲子初禁人車
及酒肆器用銅五月辛酉制荆徐兗豫雍青冀七州統內
家有馬一匹者蠲復一丁秋九月壬戌以丹楊尹劉遵考
為尚書左僕射冬十月丙午太傅江夏王義恭進位太宰

領司徒

大明元年春正月辛亥朔大赦改元庚午都下雨水辛未遣使檢行賜以糶米三月壬戌制大臣加班劔者不得入宮城門夏四月都下疾疫丙申遣使巡賜給醫藥死而無收斂者官為斂埋五月吳興義興大水人飢乙卯遣使開倉振恤癸酉聽訟于華林園自是非巡狩軍役則車駕歲三臨訊丙寅芳香琴堂東西有雙楹連理景陽樓上層西南梁拱間有紫氣清且小殿西薨鷓尾中央生嘉禾一株五莖改景陽樓為慶雲臺清景殿為嘉禾殿芳香琴堂為連理堂乙亥以輔國將軍丁梁瑾葱為河州刺史封宕昌王秋

七月辛未土斷雍州諸僑郡縣九月建康秣陵二縣各置都官從事一人司水火劫盜冬十月甲辰以百濟王餘慶為鎮東大將軍十二月丁亥改封順陽王休範為桂陽王二年春正月辛亥祀南郊丙辰復郡縣田秩并九親祿奉壬戌拜初寧陵二月丙戌衛將軍尚書令建平王宏以本號開府儀同三司以丹楊尹褚湛之為尚書左僕射三月丁未尚書令建平王宏薨乙卯以田農要月命太官停殺牛夏四月甲申立皇子子綬為安陸王辛丑地震六月戊寅增置吏部尚書一人省五兵尚書官丁亥加左光祿大夫何尚之開府儀同三司秋八月丙戌中書令王僧達下

獄死九月壬戌襄陽大水遣使巡行振恤庚午置武衛將軍武騎常侍官冬十二月己亥制諸王及妃主庶姓位從公者喪事聽設凶門餘悉斷是歲河南高麗林邑等國並遣使朝貢

三年春正月己丑以領軍將軍柳元景為尚書令二月乙卯以揚州所統六郡為王畿以東揚州為揚州甲子復置廷尉監官夏四月乙卯司空南兖州刺史竟陵王誕有罪貶爵誕不受命據廣陵反以沈慶之為車騎大將軍開府儀同三司南兖州刺史討誕秋八月己巳剋廣陵城斬誕悉誅城內男丁以女口為軍賞是日解嚴辛未大赦丙子

以丹楊尹劉秀之為尚書右僕射丙戌加南兖州刺史沈慶之位司空九月壬辰於玄武湖北立上林苑甲午移南郊壇於牛頭山以正陽位冬十一月甲子立皇后蠶宮於西郊十二月辛酉置謁者僕射官是歲婆皇河西高麗肅慎等國各遣使朝貢西域獻舞馬

四年春正月辛未祀南郊甲戌宕昌國遣使朝貢乙亥親耕藉田大赦庚寅立皇子勳為晉安王子房為尋陽王子頊為歷陽王子鸞為襄陽王三月甲申皇后親桑于西郊夏四月丙午詔四時供限詳減太半辛亥太宰江夏王義恭等表請封岱宗詔不從辛酉詔以都下疾疫遣使存

問并給醫藥其亡者隨宜賑恤五月丙戌尚書左僕射褚湛之卒秋七月甲戌光祿大夫開府儀同三司何尚之薨八月雍州大水甲寅遣加賑恤九月丁亥改封襄陽王子鸞為新安王夏十月庚寅遣新除司空沈慶之討緣江蠻十一月戊辰改細作署令為左右御府令丙戌復置大司農官十二月辛丑幸廷尉寺宥繫囚魏遣使通和丁未幸建康縣原放獄囚倭國遣使朝貢是歲魏和平元年

五年春正月戊午朔華雪降散為六出上悅以為瑞二月癸巳闕武軍幢以下普加班錫多所原宥三月甲戌行幸江乘遣祭故太保王弘光祿大夫王曇首墓夏四月癸巳

改封西陽王子尚為豫章王丙申加尚書令柳元景左光祿大夫開府儀同三司丙午雍州刺史海陵王休茂殺司馬庾深之舉兵反參軍尹文慶起義斬之傳首建鄴五月起明堂於國學南丙巳之地癸亥制帝室蕃親官非祿官者月給錢十萬秋七月丁卯高麗國遣使朝貢庚午曲赦雍州八月戊子立皇王子仁為永嘉王子真為始安王巳丑詔以來歲脩葺座序旌延國胄庚寅制方鎮所假白板郡縣年限依臺除食祿三分之一不給送故衛將軍東海王禕以本號開府儀同三司九月甲寅日有食之丁卯行幸琅邪郡原遣囚繫庚午河濟清閏月丙申初立馳道自

閶闔門至于朱雀門又自承明門至于玄武湖壬寅改封
歷陽王子頊為臨海王冬十月甲寅以南徐州刺史劉延
孫為尚書左僕射十二月壬申以領軍將軍劉遵考為尚
書右僕射甲戌制天下人戶歲輸布四匹

六年春正月辛卯祀南郊是日又宗祀文皇帝于明堂以
配上帝大赦乙未置五官中郎將左右中郎將官二月乙
卯復百官祿三月庚寅立皇子子元為邵陵王壬寅以倭
世子興為安東將軍倭國王夏四月庚申新作大航門五
月丙戌置凌室于覆舟山脩藏冰之禮六月辛酉尚書左
僕射劉延孫卒秋七月甲申地震有聲如雷兖州尤甚於
是魯郡山搖者二乙未立皇子子雲為晉陵王八月乙丑
置清臺令官九月制沙門致敬人主乙未以尚書右僕射
劉遵考為左僕射以丹陽尹王僧朗為右僕射冬十月丁
卯詔上林苑內士庶丘墓以還合葬者勿禁十一月己卯
陳留王曹慶秀薨

七年春正月癸未詔剋日於玄武湖大閱水師并巡江右
講武校獵丁亥以右衛將軍顏師伯為尚書左僕射二月
甲寅軍駕巡南豫南交二州丁巳校獵烏江己未登烏江
縣六合山壬戌大赦行幸所經無出今年租布賜人爵一
級女子百戶牛酒郡守邑宰及人夫從蒐者普加露賚又

詔蠲歷陽郡租輸三年遣使巡慰問人疾苦癸亥行幸尉
氏觀溫泉壬申車駕至都拜二廟乃還宮夏四月甲子詔
自今非臨軍戰陣一不得專殺其罪人重辟者皆依舊先
上須報有司嚴加聽察犯者以殺人罪論五月丙子詔自
今刺史守宰動人與軍皆須守詔施行惟邊隅外警及姦
釁內發變起倉卒者不從此例六月戊申蠕蠕高麗等國
並遣使朝貢秋七月乙亥進高麗王高理位車騎大將軍
開府儀同三司八月乙丑立皇子子孟為淮南王子產為
臨賀王車駕幸建康秣陵縣訊獄囚九月庚寅以南徐州
刺史新安王子鸞為兼司徒乙未幸廷尉訊獄囚丙申立

皇子子嗣為東平王冬十月去魚皇太子冠賜王公以下

帛各有差戊申車駕巡南豫州奉太后以行癸丑行幸江

寧縣訊獄囚加車騎將軍揚州刺史豫章王子尚開府儀

同三司癸亥以開府儀同三司東海王禕為司空加中軍

將軍義陽王昶開府儀同三司己巳校獵於姑孰十一月

丙子曲赦南豫州殊死以下巡幸所經詳減今年歲田租乙

酉詔祭晉大司馬桓溫征西將軍毛璩墓上於行所訖溧

陽永世丹陽縣囚癸巳祀梁山太閼水師於中江有白雀

二集華蓋有司奏改元為神雀詔不許乙未原放行獄徒

繫浙江東諸郡大旱十二月壬寅遣使開倉賑恤聽受雜

物當租丙午行幸歷陽甲寅大赦賜歷陽郡女子百戶牛
酒蠲郡租十年己未加大宰江夏王義恭尚書令於博望
梁山立雙闕癸未至自歷陽

八年春正月辛巳祀南郊是日還宗祀文帝于明堂甲戌
詔曰東境去歲不稔宜廣商貨遠近販鬻米粟者可停道
中雜稅其以仗自防悉禁夏閏五月壬寅以太宰江夏
王義恭領太尉庚申帝崩於玉燭殿時年三十五七月丙
午葬于丹陽秣陵縣巖山景寧陵帝末年為長夜之飲每
旦寢興盥嗽畢仍復命飲俄頃數斗憑几昏睡若大醉者
或外有奏事便肅然整容無復酒色外內服其神明莫敢

弛惰

前廢帝諱子業小字法師孝武帝長子也元嘉二十六年
正月甲申生孝武鎮尋陽帝留都下三十年孝武入伐元
凶囚帝於侍中下省將加害者數矣卒得無恙及孝武踐
祚立為皇太子始末之東宮中庶子二率並入直永福省
大明二年出東宮七年加元服八年閏五月庚午孝武崩
其日太子即皇帝位大赦加驃騎大將軍柳元景尚書令
甲子置錄尚書官以太宰江夏王義恭錄尚書事加驃騎
大將軍柳元景開府儀同三司秋七月庚戌婆皇國遣使
朝貢崇皇太后為太皇太后皇后曰皇太后乙卯罷南北

二馳道改孝建以來所變制度還依元嘉丙辰追崇獻妃
為獻皇后八月乙丑皇太后崩九月乙卯文穆皇后祔葬
景盛陵冬十二月乙酉以尚書右僕射顏師伯為尚書僕
射壬辰以王畿諸郡為揚州以揚州為東揚州癸巳加車
騎將軍揚州刺史豫章王子尚位司徒去歲及是歲東諸
郡大旱甚者米一斗數百部下亦至百餘餓死者十六七
孝建以來又立錢署鑄錢百姓因此盜鑄錢轉偽小商貨
不行

景和元年春正月乙未朔大赦改元為永光乙巳省諸州
臺博二月乙丑減州郡縣田祿之半庚寅鑄二銖錢夏五

月魏文成皇帝崩秋八月庚午以尚書僕射顏師伯為左
僕射吏部尚書王景文為右僕射癸酉帝自率宿衛兵誅
太宰江夏王義恭尚書令柳元景左僕射顏師伯廷尉劉
德願改元為景和甲戌以司徒揚州刺史豫章王子尚領
尚書令乙亥帝釋素服御錦衣以始興公沈慶之為太尉
庚辰以石頭城為長樂宮東府城為未央宮甲申以北邸
為建章宮南第為長楊宮己丑復立南北二馳道九月癸
巳幸湖熟奏鼓吹戌戌還宮帝自以為昔在東宮不為孝
武所愛及即位將掘景寧陵太史言於帝不利而止乃縱
糞於陵肆罵孝武帝為孽奴又遣發殷貴嬪墓忿其為孝

武所寵初貴嬪薨武帝為造新安寺乃遣壞之又欲誅諸
遠近僧尼辛丑免南徐州刺史新安王子鸞為庶人賜死
丁未加衛將軍湘東王或開府儀同三司己酉車駕討徐
州刺史義陽王昶內外戒嚴昶奔魏戊午解嚴開百姓鑄
錢冬十月癸亥曲赦徐州丁卯東陽太守王藻下獄死以
文帝第十女新蔡公主為貴嬪夫人改姓謝氏以武貴鉞
戟鸞輅龍旂出警入蹕矯言公主薨設喪事焉乙酉以
豫州刺史山陽王休祐為鎮軍大將軍開府儀同三司十
一月壬辰寧朔將軍何邁下獄死癸巳殺新除太尉沈慶
之壬寅立皇后路氏四相奏樂曲赦揚南徐二州丁未皇

子生少府劉暉之子也大赦贓污淫盜悉皆原蕩賜為父
後者爵一級壬子以護軍將軍建安王休仁為驃騎大將
軍開府儀同三司戊午南平王敬猷廬陵王敬先安南侯
敬深並賜死時帝凶悖日甚誅殺相繼內外百官不保首
領先是訛言湘中出天子帝將南巡荆湘以厭之期旦誅
除四叔然後發引是夜湘東王或與左右阮佃夫王道隆
李道兒密結帝左右壽寂之姜產之等十一人謀共廢帝
先是帝好遊華林園竹林堂使婦人裸身相逐有一婦人
不從命斬之經少時夜夢游後堂有一女子罵曰帝悖虐
不道明年不及熟矣帝怒於宮中求得似所夢者一人戮

之其夕復夢所戮女罵曰汝枉殺我已訴上帝至是巫覡
云此堂有鬼帝與山陰公主及六宮綵女數百人隨群巫
捕鬼屏除侍衛帝親自射之事畢將奏靡靡之聲壽寂之
懷刀直入妻產之為副諸姬迸逸廢帝亦走追及之大呼
寂寂如此者三手不能舉乃崩於華光殿時年十七太皇
太后令奉湘東王或纂承皇統於是葬帝於丹楊秣陵縣
南郊壇西帝蠡目鳥喙長頸銳下幻而狷急在東宮每為
孝武所責孝武西巡帝啓參承起居書迹不謹上詰讓之
曰書不長進此是一條耳聞汝比素業都懈狷戾日甚伺
以頑固乃爾初踐祚受璽綬傲然無哀容祭與宗退而歎
曰昔魯昭不厭叔孫請死國家之禍其在此乎帝始猶難
諸大臣又戴法興等既殺法興諸大臣莫不震懼於是又
誅群公元凱以下皆被毆捶牽曳內外危懼殿省騷然太
后疾篤遣呼帝帝曰病人間多鬼可畏那可往太后怒語
侍者曰將刀來破我腹那得生寧馨兒及太后崩後數日
帝夢太后謂曰汝不仁不孝本無人君之相子尚愚悖如
此亦非運祚所及孝武險虐滅道怨結人神兒子雖多並
無天命大命所歸應還文帝之子故帝聚諸叔都下慮在
外為患山陰主淫恣過度謂帝曰妾與陛下雖男女有殊
俱託體先帝陛下後宮數百妾惟駟馬一人事不均平一

何至此帝乃為立面首左右三十人進爵會稽郡長公主
秩同郡王湯沐邑二千戶給鼓吹一部加班劔二十人帝
每出公主與朝臣常共陪奉帝以好讀書頗識古事粗有
文才自造孝武帝誅及雜篇章往往有辭采以魏武有發
丘中郎將摸金校尉乃置此二官以建安王休仁山陽王
休祐領之其餘事迹分見諸列傳

論曰文帝幼年特秀自稟君德及正位南面歷年長久綱
維備舉條禁萌密罰有恒科爵無濫品故能內清外晏四
海謐如而授將遣師事垂分閭才謝光武而遙制兵略至
於攻戰日時咸聽成旨雖覆帥喪旅將非韓白而延寇感
境抑此之由及至晉世袞袞難結凶豎雖禍生非慮蓋亦
有以而然夫古人命以自養蓋惟桀紂之行觀夫大明之
世其將盡人命乎雖周公之才之美亦當終之以亂由此
言之得歿亦為幸矣至如廢帝之事行著于篇假以中才
之君有一於此足以致覆況乎兼斯眾惡不亡其可得乎

宋本紀中第二

南史二

宋本紀下第三

南史三

李

延壽

太宗明皇帝諱彧字休景小字榮期文帝第十一子也元
 嘉十六年十月生二十五年封淮陽王二十九年改封湘
 東王孝武踐祚累遷鎮軍將軍雍州刺史是歲入朝時廢
 帝疑畏諸父以上付廷尉明日將加禍害上乃與腹心阮
 佃美李道兒等密謀時廢帝左右直閣將軍宋越譚金童
 太一等是夜並外宿佃夫道兒因結壽寐之等十一月十
 九日殺廢帝於後堂建安王休仁便稱臣奉引升西堂登
 御坐事出倉卒上失履跣猶著烏紗帽休仁呼去衣以白

紉代之末即位凡衆事悉稱令書曰未司徒豫章王子尚
山陰公主並賜死宋越譚金童太一伏誅十二月庚申朔
令書以東海王禕為中書監太尉以普安王子勛為車騎
將軍開府儀同三司癸亥以建安王休仁為司徒尚書令
揚州刺史乙丑改封安陸王子綏為江夏王

泰始元年即大明九年也魏和平六年冬十二月丙寅皇
帝即位于太極前殿大赦改元辛未改封臨賀王子產為
南平王晉熙王子輿為廬陵王壬申以王景文為尚書僕
射乙亥追尊所生沈婕妤曰宣皇太后戊寅改太皇太后
為崇憲太后立皇后王氏罷二銖錢江州刺史晉安王子

勛舉兵反鎮軍長史袁顛赴之鄧琬為其謀壬午請太
廟甲申郢州刺史安陸王子綏會稽太守尋陽王子房臨
海王子頊並舉兵同逆

二年春正月乙未晉安王子勛僭即偽位於尋陽年號義
嘉壬辰徐州刺史薛安都舉兵反甲午內外戒嚴司徒建
安王休仁都督諸軍南討丙戌徐州刺史申令孫司州刺
史龐孟蚪豫州刺史殷琰青州刺史沈文秀冀州刺史崔
道固湘州行事何慧文廣州刺史袁曇益州刺史蕭惠開
梁州刺史柳元怡並同逆丙午車駕親御六軍頓中興堂
辛亥南豫州刺史山陽王休祐改為豫州刺史西討吳郡

太守顧琛吳興太守王曇生義興太守劉延熙晉陵太守
袁標山陽太守程天祚並舉兵反鎮東將軍巴陵王休若
統軍東討壬子崇憲皇太后崩二月乙丑以蔡興宗為尚
書右僕射壬申吳興太守張永右將軍蕭道成東討平晉
陵丁亥建武將軍吳喜公率諸軍破賊於吳興會稽平定
三郡同逆皆伏誅輔國將軍蕭道成前鋒北討輔國將軍
劉劭前鋒西討劉胡衆四萬據赭圻三月庚寅撫軍將軍
殷孝祖攻赭圻死之以輔國將軍沈攸之代為南討前鋒
賊衆稍盛袁顛頰鵠尾連營至濃湖衆十餘萬丙申南徐
州刺史桂陽王休範摠統北討諸軍事戊戌賊尋陽王子

房爵為松滋縣侯癸卯令人入采七百石者除郡減此各
有差壬子斷新錢專用古錢夏五月甲寅葬崇憲皇太后
於脩寧陵秋七月丁酉以仇池太守楊僧嗣為北秦州刺
史封武都王八月己卯司徒建安王休仁率衆軍大破賊
斬偽尚書僕射袁顛進討江郢荆湘雍五州平之晉安王
子勛安陸王子綏臨海王子顛邵陵王子元並賜死同黨
皆伏誅諸將帥封賞各有差九月癸巳六軍解嚴戊戌以
王玄謨為左光祿大夫開府儀同三司領護軍將軍冬十
月乙卯永嘉王子仁始安王子真淮南王子孟南平王子
產廬陵王子與松滋侯子房並賜死丁卯以沈攸之為中

領軍與張永俱北討戊寅立皇子昱為皇太子十一月壬辰立建平王景素子延年為新安王十二月薛安都要引魏軍張永沈攸之大敗於是遂失淮北四州及豫州淮西地是歲魏天安元年

三年春正月庚子以農役將興詔太官停宰牛癸卯曲赦豫南豫二州閏正月庚午都下大雨雪遣使巡行振貸各有差二月甲申為戰亡將士舉哀丙申曲赦青冀二州夏四月丙戌詔以故丞相江夏文獻王故太尉巴東忠烈公柳元景故司空始興襄公沈慶之故征西將軍洮陽肅侯宗懿陪祭孝武廟庭庚子立桂陽王休範第三子德嗣為

廬陵王立侍中劉韜第三子銑為南豐王以奉廬江昭王南豐哀王祀五月丙辰詔置太后崇寧陵禁內墳瘞遷徙者給葬直蠲復其家壬戌以太子詹事袁粲為尚書僕射秋八月壬寅以中領軍沈攸之行南兗州刺史率眾北伐九月戊午以皇后六宮以下雜衣千領金釵千枚賜北伐將士冬十月壬午改封新安王延年為始平王辛丑以鎮西大將軍西秦河二州刺史吐谷渾拾寅為征西大將軍十一月立建安王休仁第二子伯猷為江夏王是歲魏皇興元年

四年春正月丙辰朔雨草于宮乙亥零陵王司馬昌勳薨

月乙巳左光祿大夫開府儀同三司王玄謨薨二月交州人李長仁據州叛杖賊攻廣州殺刺史羊希龍驤將軍陳伯紹討平之夏四月丙申改封東海王禕為廬江王山陽王休祐為晉平王秋九月戊辰詔定黥刑之制有司奏自今凡劫竊執官仗拒戰邏司攻剽亭寺及傷害更人并監司將吏自為劫皆不限人數悉依舊制斬刑若遇赦黥及兩頰劫字斷去兩腳筋徙付交梁寧州五人以下止相逼奪者亦依黥作劫字斷去兩腳筋徙付遠州若遇赦原斷徙猶黥面依舊補治士家口應及坐悉依舊結謫及上崩其例乃寢庚午上備法駕幸東宮冬十月癸酉朔日有蝕之廢諸州兵北伐

五年春正月癸亥親耕籍田乙丑魏剋青州執刺史沈文秀以歸二月丙申以廬江王禕為車騎將軍開府儀同三司南豫州刺史夏六月辛未立晉平王休祐子宣曜為南平王秋七月壬戌改輔國將軍為輔師將軍九月甲寅立長沙王纂子延之為始平王冬十月丁卯朔日有蝕之一月丁未魏人來聘十二月庚申分荆益之五郡置三巴校尉

六年春正月乙亥初制間二年一祭南郊間一年一祭明堂夏四月癸亥立皇子燾為晉熙王六月癸卯以王景文

為尚書左僕射揚州刺史以袁粲為右僕射己未改臨賀
郡為臨慶郡秋七月丙戌臨慶王智井薨九月戊寅立摠
明觀徵學士以充之置東觀祭酒訪舉各一人舉士二十
人分為儒道文史陰陽五部學言陰陽者遂無其人冬十
月辛卯立皇子贇為武陵王十二月癸巳以邊難未息制
父母隔在異域者悉使婚宦

七年春正月甲戌置散騎奏舉郎二月癸丑征西將軍荆
州刺史巴陵王休若進號征西大將軍及征南大將軍江
州刺史桂陽王休範並開府儀同三司甲寅南徐州刺史
晉平王休祐薨三月辛酉魏人來聘夏五月戊午鳩司徒

建安王休仁庚午以袁粲為尚書令褚彥回為右僕射丙
戌追免晉平王休祐為庶人秋七月丁巳罷散騎奏舉郎
乙丑江州刺史巴陵王休若賜死八月戊子以皇子躋繼
江夏文獻王義恭庚寅帝疾間戊戌立皇子準為安成王
是歲魏孝文帝延興元年

泰豫元年春正月甲寅朔上以疾未痊故改元丁巳巨入
跡見西池冰上夏四月己亥上疾大漸加江州刺史許陽
王休範位司空以劉劭為尚書右僕射蔡興宗為征西將
軍開府儀同三司荊州刺史沈攸之進號安西將軍袁粲
褚彥回劉劭蔡興宗沈攸之入閤被顧命是日上崩于景

福殿時年三十四五月六寅葬臨沂縣莫府山高寧陵帝
好讀書愛文義在藩時撰江左以來三章志又續衛瓘所
注論語二卷及即大位舊臣才學之士多蒙引進末年好
鬼神多忌諱言語文書有禍敗凶喪疑似之言應回避者
犯即加戮敗駟馬字為馬邊公以駟字似禍故也嘗以南
苑借張求云且給三百年期盡更請宣陽門謂之白門上
以白門不祥諱之尚書右丞江謚嘗誤犯上變色曰白汝
家門路太后停屍漆床移出東宮上幸宮見之怒免中庶
子以之坐死者數十人內外常慮犯觸人不自保移床脩
壁禿祭土神使文士為祝策如大祭饗阮佃六揚運長王

道隆皆植威權言為詔敕郡守令長一缺十除內外混然
官以賄命王阮家富於公室中書舍人胡毋穎專權奏無
不可時人語曰未絹閉眼諾胡毋大張橐未絹謂上也及
秦始秦豫之際左右失旨往往有劊割斷截禁中慄慄若
踐刀劍夜夢豫章太守劉惔反遣就郡殺之軍旅不息府
藏空虛內外百官並斷祿奉在朝造官者皆市井傭販之
子而又令小黃門於殿內埋錢以為私藏以蜜漬鮓鯁一
食數升噉腊肉常至二百饗奢費過度每所造制必為正
御三十副御次副三十須一物輒造九十枚天下騷然民
不堪命宋氏之業自此衰矣

後廢帝諱昱字德融明帝長子也大明七年正月辛丑生於衛尉府帝母陳氏李道兒妾明帝納之故人呼帝為李次子帝亦自稱李將軍明帝諸子在孕皆以周易筮之即以所得卦為小字故帝小字慧震泰始二年立為皇太子六年出東宮又制太子元正朝賀服袞冕九章衣明帝崩庚子太子即皇帝位大赦尚書令袁粲護軍將軍褚彥回共輔朝政班劍依舊入殿六月乙巳尊皇后曰皇太后立皇后江氏秋七月戊辰拜帝所生陳貴妃為皇太妃八月戊午中書監左光祿大夫開府儀同三司蔡興宗薨冬十一月己亥新除郢州刺史劉彥節為尚書左僕射

元徽元年春正月戊寅大赦改元詔自元年前徙放者並聽還本魏人來聘夏六月乙卯壽陽大水秋八月都下旱庚午陳留王曹鈺薨九月丁亥立衛陽王疑子伯玉為南平王冬十二月癸卯朔日有蝕之乙巳進桂陽王休範位太尉癸亥立前建安王世子伯融為始安王二年夏五月壬午江州刺史桂陽王休範舉兵反庚寅丙外戒嚴中領軍劉劭右衛將軍蕭道成前鋒南討出屯新亭征北將軍張永屯白下前南充州刺史沈懷明戍石頭衛將軍袁粲中軍將軍褚彥回入衛殿省壬辰賊奄至攻新亭壘道成拒擊大破之越騎校尉張苟兒斬休範賊黨

杜黑轟下文豪分軍向朱雁航劉勔拒賊敗績死之右將
軍王道隆奔走遇害張永擯于白下沈懷明自石頭奔散
甲午車騎典載茅恪開東府納賊賊入屯中堂羽林監陳
顯達擊大破之丙申張劬兒等又破賊進平東府城梟禽
群賊丁酉大赦解嚴荊州刺史沈攸之南徐州刺史建平
王景素鄆州刺史晉熙王燮湘州刺史張興世並舉義兵
赴建鄴六月癸卯晉熙王燮遣軍討壽陽江州平王戊戌
輔師將軍遷為輔國秋七月庚辰立皇弟友為邵陵王乙
酉徐州刺史建平王景素進號征北將軍開府儀同三司
九月丁酉以袁粲為中書監領司徒加護軍將軍褚彥回

為尚書令冬十一月丙戌帝加元服十二月癸亥立皇弟

暕為江夏三寶為武陵王

三年春三月己巳都下大水夏六月魏人來聘秋七月庚

戌以袁粲為尚書令九月丙辰征西大將軍河南王吐谷

渾拾寅進號車騎征西大將軍

四年夏六月乙亥加蕭道成尚書左僕射秋七月戊子建

平王景素據京城反己丑內外募嚴遣驍騎將軍任農夫

冠軍將軍黃回北討蕭道成摠統眾軍始安王伯融都鄉

侯伯猷並賜死乙未赴京城斬景素同逆皆伏誅八月丁

卯立皇弟翽為南陽王嵩為新興王禧為始建王九月戊

二驍騎將軍高道慶有罪賜死己丑車騎將軍揚州刺史
安成王準進號驃騎大將軍開府儀同三司冬十月辛酉
以王僧虔為尚書右僕射

五年夏四月甲戌豫州刺史阮佃夫步兵校尉申伯宗朱
幼誨廢立皆伏誅五月地震六月甲戌誅司徒左長史沈
勃散騎常侍杜幼文游擊將軍孫超之長水校尉杜叔文
七月戊子夜帝遇弒於仁壽殿時年十五己丑皇太后令
貶帝為蒼梧郡王葬丹楊秣陵縣壇西初帝之生夕明
帝夢人乘馬馬無頭及後足有人曰太子也及在東宮五
六歲能緣漆帳竿去地丈餘如此者半食漸長喜怒垂節

雜字

左右失旨者手加撲打徒路躑躅及嗣位內長太后外憚
大臣猶未得肆志自加元服三年好出入單將左右或十
里二十里或入市里遇慢罵則悅而受焉四年無日不出
與左右解僧智張五兒恒夜出開承明門夕去晨反晨出
暮歸從者並執鋌矛行人男女及犬馬牛驢逢無免者人
間被懼晝日不開門道無行人嘗著小袴不服衣冠有白
指數十各有名號鉗鑿錐錐不離左右為擊腦槌陰剖心
之誅日有數十常見卧屍流血然後為樂左右人見有嘔
眉者帝令其正立以矛刺洞之曜靈殿上養驢數十頭所
自乘馬養於御牀側與右衛翼輦營女子私通每從之遊

持數千錢爲酒肉之費出逢婚姻葬送輒與挽車小兒群聚飲酒以爲歡適阮佃夫腹心人張羊爲佃夫委信佃夫欺叛走復捕得自於承明門以車轆殺之殺杜延載杜幼文躬運矛鉞手自鬻割察孫超有隸氣剖腹視之執捐馳馬自往刺杜叔文於玄武北湖孝武帝二十八子明帝殺其十六餘皆帝殺之吳興沈勃多寶貨往劫之揮刀獨前左右未至勃時居喪在廬帝望見之便投鉞不中勃知不免手搏帝耳唾罵之曰汝罪踰桀紂屠戮無日遂見害帝自鬻割制露車一乘施塗乘以出入從數十人羽儀追之恒不相及又各慮禍亦不敢追但整部伍別在一處瞻望而已凡諸鄙事過目則能鍛銀裁衣作帽莫不精絕未嘗吹篪執管便韻天性好殺一日無事輒慘慘不樂內外憂惶夕不及旦領軍將軍蕭道成與直閣將軍王敬則謀之七月戊子帝微行出北湖單馬先走羽儀不及左右張五兒馬墜湖帝怒自馳騎刺馬屠割之與左右作羗胡伎爲樂又於蠻岡賭跳因乘露車無復鹵簿往青園尼寺新安寺偷狗就曇度道人煮之飲酒揚玉夫常得意忽然見憎遇輒切齒曰明日當殺小子取肝肺是夜七夕令玉夫伺織女度報已因與內人穿針訖大醉卧於仁壽殿東阿氈幄中帝出入無禁王敬則先結玉夫陳奉伯楊萬年等合

二十五人其夕王夫候帝眠熟至乙夜與萬年同入氈幄
內取千牛刀殺之

順皇帝諱準字仲謨小字知觀明帝第三子也泰始五年
七月癸丑生七年封安成王帝姿貌端華眉目如畫見者
以為神人廢帝即位加揚州刺史元徽二年加都督揚南
豫二州諸軍事四年進號驃騎大將軍及廢帝殞蕭道成
奉太后令迎王入居朝堂

昇明元年秋七月壬辰皇帝即位大赦改元徽五年為昇
明元年甲午蕭道成出鎮東城輔政荊州刺史沈攸之進
號車騎大將軍蕭道成司空錄尚書事以袁粲為中書監

司徒以褚彥回為衛將軍劉彥節為尚書令加中軍將軍
辛丑以王僧虔為尚書僕射癸卯車駕謁太廟八月癸亥
司徒袁粲鎮石頭戊辰崇拜帝所生陳昭華為皇太妃庚
午以蕭道成為驃騎大將軍開府儀同三司錄尚書如故
九月己酉廬陵王高薨十二月丁巳荊州刺史沈攸之舉
兵不從執政丁卯蕭道成入守朝堂侍中蕭嶷鎮東府戊
辰中外纂嚴壬申司徒袁粲據石頭謀誅道成不果旋見
覆滅乙亥以王僧虔為左僕射王延之為右僕射吳郡太
守劉暹據郡不從執政令張瓌攻斬之閏月辛亥屯騎校
尉王宣興貳於執政見誅癸巳沈攸之攻郢城前軍長史

柳世隆固守巳亥中外戒嚴假蕭道成黃鉞乙巳道成出
頓新高是歲魏太和元年

二年春正月丁卯沈攸之薨巳巳華容縣人斬攸之首送
之辛未雍州刺史張敬忠冠江陵荊州平丙子解嚴以柳
世隆爲尚書右僕射蕭道成旋鎮東府二月庚辰以王僧
虔爲尚書令王延之爲左僕射癸未蕭道成加授太尉以
褚彥回爲中書監司空丙戌撫軍將軍揚州刺史晉熙王
燮進號中軍將軍三月巳酉朔日有蝕之夏四月南兖州
刺史黃回貳手執政賜死五月戊午以倭國王武爲安東
大將軍六月丁酉以輔國將軍楊文弘爲北秦州刺史封

武都王秋九日乙巳朔日有蝕之丙午加大尉蕭道成黃
鉞都督中外諸軍事太傅領揚州牧賜殊禮以揚州刺史
晉熙王燮爲司徒冬十月壬寅立皇后謝氏十一月立故
武昌太守劉琨息頌爲南豐縣王癸亥誅臨澧侯劉晃甲
子改封南陽王翹爲隨郡王十二月丙戌皇后見于太廟
三年春正月辛亥領軍將軍蕭曠加尚書右僕射進號中
軍大將軍開府儀同三司二月丙子南豫州刺史邵陵王
友薨丙申地震建陽門三月癸卯朔日有蝕之甲辰加蕭
道成相國摠百揆封十郡爲齊公備九錫之禮庚戌誅臨
川王綽夏四月壬申進齊公蕭道成爵爲王壬午安西將

軍武陵王替薨卒卯帝禪位於齊壬辰遜于東邸是日王
敬則以兵陳于殿庭帝猶居內闈之逃于佛蓋下太后懼
自帥閹豎索扶幸板輿黃門或促之帝怒抽刀投之中項
而殞帝既出宮人行哭俱遷備羽儀乘畫輪車出東掖門
封帝爲汝陰王居丹徒宮齊兵衛之建元元年五月己未
帝聞外有馳馬者懼亂作監人殺王而以疾赴齊人德之
賞之以邑六月乙酉葬于遂寧陵謚曰順帝宋之王侯無
少長皆幽死矣

論曰文帝負宸南面實有人君之美經國之義雖弘而隆
家之道不足彭城照不寤古本無卓尔之資徒見昆弟之
義深未識君臣之禮異以此家情行之國道主忌而猶犯
恩離而未悟致以陵逼之愆遂成滅親之禍開端樹隙垂
之後人明帝猜忍之情據已行之典翦落淇支飲不待慮
既而本根莫庇幼主孤立下無磐石之託上有累卵之危
方復藏璽懷紱魚服忘反危冠短制匹馬孤征以至覆亡
理固然矣神器以勢弱傾移靈命隨樂推回改斯蓋履霜
有漸夫豈一夕何止區區汝陰揖讓而已

宋本紀下第三

南史三

齊本紀上第四

南史四

李

延壽

齊太祖高皇帝諱道成字紹伯小字蘭將姓蕭氏其先本
 居東海蘭陵縣中都鄉中都里晉元康元年惠帝分東海
 郡為蘭陵故復為蘭陵郡人中朝喪亂皇高祖淮陰令整
 字公齊過江居晉陵武進縣之東城里寓居江左者皆僑
 置本土加以南名更為南蘭陵人也皇曾祖儁字子武位
 即丘令皇祖樂子字閏子仕輔國參軍宋昇明中贈太常
 皇考承之字嗣伯少有大志才力過人仕宋為漢中太守
 梁州之平以功加龍驤將軍後為南太山太守封晉興縣

五等男遷右軍將軍元嘉二十四年殂梁士思之於岷公
山立廟祭祀昇明二年贈散騎常侍金紫光祿大夫高帝
以宋元嘉四年丁卯歲生姿表異其龍顏鍾聲長七尺五
寸鱗文編體舊宅在武進縣宅南有一桑樹權本三丈橫
生四枝狀似華蓋帝年數歲好戲其下從兄敬宗曰此樹
為汝生也儒生雷次宗立學於雞籠山帝年十三就受禮
及左氏春秋十七年宋大將軍彭城王義康被黜徙豫章
皇考領兵防守帝捨業南行十九年竟陵蠻動宋文帝遣
帝領偏軍討沔北蠻二十三年雍州刺史蕭思話鎮襄陽
啓帝自隋初為左軍中兵參軍二十九年領偏軍征仇池

破其武興蘭阜二壘遂從谷口入關未至長安八十里梁
州刺史劉秀之遣司馬馬汪助帝攻拔談提城魏救兵至
帝軍力疲少又聞文帝崩乃燒城還南鄭後襲爵晉興縣
五等男為建康令有能名少府蕭惠開雅有知人鑒謂人
曰昔魏武為洛陽北部時人服其英今看蕭建康但當過
之耳宋明帝即位為右軍將軍時四方叛會稽太守尋陽
王子房及在東諸郡皆起兵明帝加帝輔國將軍東討至
晉陵一日破賊十二壘分軍定諸縣及徐州刺史薛安都
據彭城歸魏遣從子索晃攻淮陰又徵帝討破之索晃走
鍾離帝追至黠黠而還除驍騎將軍封西陽縣侯遷巴陵

三衛軍司馬隨鎮會稽江州刺史晉安王子勛遣臨川內
史張淹自鄱陽嶠道入三吳明帝遣帝討之時朝廷器甲
皆充南討帝軍容寡闕乃編椽皮為馬具裝折竹為寄生
夜舉火進軍賊望見恐懼未戰而走還除桂陽王征北司
馬南東海太守行南徐州事及張永等敗於彭城淮南孤
弱以帝為假冠軍將軍持節都督北討前鋒諸軍事鎮淮
陰遷南兖州刺史加督五州督北討如故明帝嫌帝非人
臣相而人間流言帝當為天子明帝愈以為疑遣冠軍將
軍吳喜留軍破釜自持銀酒封以賜帝帝戎服出門迎
懼鴟不敢飲將出奔喜告以誠先飲之帝即酌飲之喜還

明帝意乃悅泰始七年徵還都部下勸勿就徵帝曰主上
自誅諸弟為太子幼弱作萬歲後計何關佗族惟應速發
事緩當見疑今骨肉相害自非靈長之運禍難將與方與
卿等戮力耳至拜散騎常侍太子左衛率明帝崩遺詔為
右衛將軍領衛尉加兵五百人與尚書令袁粲護軍褚彥
回領軍劉劭共掌機事尋解衛尉加侍中領石頭戍軍事
元徽二年五月江州刺史桂陽王休範舉兵於尋陽朝廷
惶駭帝與褚彥回等集中書省計議莫有言者帝曰昔上
流謀逆皆因淹緩以欺休範必遠徵而失輕兵急下乘我
無備請頓新亭以當其鋒因索筆下議餘並注同中書舍

人孫千齡與休範有密契獨曰宜依舊遣軍據梁山帝正
色曰賊今已近梁山豈可得至新亭既是兵衝所欲以死
報國耳乃單車白服出新亭加帝使持節都督征討諸軍
事平南將軍加鼓吹一部築新亭城壘未畢賊前軍已至
帝方解衣高卧以安眾心乃索白虎幡登西垣使寧朔將
軍高道慶符林監陳顯達賁外郎王敬則浮舸與賊水戰
大破之未時張敬兒斬休範首臺軍及賊眾俱不知其別
率杜黑蠡急攻東壘帝挺身上馬帥數百人出戰與黑蠡
拒戰自晡達明且矢石不息其夜大雨鼓叫不復相聞將
士積日不得寢食軍中馬夜驚城內亂走帝執燭正坐厲

聲呵止之如是者數四賊帥丁文豪設伏破臺軍於阜英
橋直至朱雀航王道隆劉劭並戰沒初劭高尚其意託造
園宅名為東山頗忽時穆帝謂曰將軍以顧命之重此是
艱難之日而深尚從容廢省羽翼一朝事至悔可追乎劭
不納竟敗及賊進至杜姥宅車騎典籤茅怯開東府納賊
冠軍將軍沈懷明於石頭奔散張永潰於白下宮內傳新
亭亦陷太后執蒼梧王手泣曰天下事敗矣帝遣軍主陳
顯達任農夫張敬兒周靈龍等從石頭濟淮間道自承明
門入衛宮闕時休範與籤許公與詐稱休範在新亭士庶
惶惑詣壘斯赴休範投名者千數及至乃是帝隨得輒燒

之登城北謂曰劉休範父子先昨皆已死戮屍在南岡下
身是蕭平南諸軍善見觀汝等名皆已焚除勿懼也臺分
遣衆軍擊平賊帝振旅凱入百姓緣道聚觀曰全國家者
此公也帝與袁粲褚彥回劉彥節引各解職不許遷散騎
常侍中領軍都督南兗州刺史鎮軍將軍進爵為公與袁
粲褚彥回劉彥節等更日入直決事號為四貴休範平後
蒼梧土漸行凶暴屢欲害帝嘗率數十人直入鎮軍府時
暑熱帝晝卧裸袒蒼梧立帝於室內畫腹為射的自引蒯
將射之帝神色不變欽板曰老臣無罪蒼梧左右王天恩
諫曰領軍腹大是佳射棚而一箭便死後無復射不如以
覆箭射之乃取覆箭一發即中帝齊蒼梧投弓於地大笑
曰此手何如時建平王景素為朝野歸心濟為自全計布
誠於帝帝拒而不納景素尋舉兵帝出屯玄武湖事平乃
還帝威名既重蒼梧深相猜忌刻木為帝形畫腹為射棚
自射之又命左右射中者加賞皆莫能中時帝在領軍府
蒼梧自來燒之異帝出因作難帝堅卧不動蒼梧益懷忿
患所見之物呼之為帝加以手自磨鋌曰明日當以刃蕭
道成陳太妃罵之曰蕭道成有大功於國今害之誰為汝
盡力故止高帝謀與袁粲廢立皆不見從五年七月戊子
楊玉夫等與直閣將軍王敬則通謀弒蒼梧齎首使左右

陳奉伯藏衣袖中依常行法稱敕開承明門出囊貯之以
與敬則敬則馳至領軍府叩門大自言報帝門猶不開敬
則自門塞中以首見帝帝猶不信乃於牆上投進其首帝
索水洗視敬則乃踰垣入帝跣出敬則叫曰事平矣帝乃
戎服乘常所騎赤馬夜入殿中殿中驚怖及知蒼梧死咸
稱萬歲至帝踐柝號此馬為龍驤赤明旦召袁粲褚彥回
劉彥節入會西鍾槐樹下計議帝以事讓彥節彥節未荅
帝鬚鬢盡張眼光如電次讓袁粲又不受敬則乃拔刀在
牀側躍壓衆曰天下之事皆應歸蕭公敢有開一言者血
染敬則刀仍呼虎賁劔戟羽儀手自取白紗帽加帝首令

帝即位曰今日誰敢復動事須及執帝正色呵之曰卿都
不自解察欲有言敬則又叱之乃上帝乃下議備法駕詣
東城迎立順帝於是長刀遮察彥節等失色而去甲午帝
移鎮東府與袁粲褚彥回劉彥節各甲仗五十人入殿丙
申加侍中司空錄尚書事驃騎大將軍封竟陵郡公給油
幢車班劍三十人帝固辭上台即授以驃騎大將軍開府
儀同三司十二月荊州刺史沈攸之反稱太后詔已下都
乙卯帝入居朝堂命諸將西討平西將軍黃回為都督前
驅先是太后兄子前湘州刺史王蘊遭母喪罷任還至巴
陵停舟與攸之密謀乃下達郢州武帝時為郢州長史蘊

伺武帝出弔因作亂據郢城武帝知之不出蘓還至東府
 前又期見高帝帝又不出弔再計不行外謀愈固司徒袁
 粲尚書又劉彥節見帝威權稍盛慮不自安與蘓及黃回
 等相結舉事殿內宿衛主帥無不協同及收之反問初至
 帝往石頭詣粲謀粲稱疾不相見剋壬申夜起兵據石頭
 其夜丹陽丞王遜告變彥節從弟領軍韞及直閣將軍卜
 伯興等嚴兵為內應帝命王敬則於宮內誅之遣諸將攻
 石頭王蘓將數百精手帶甲赴粲城門已閉官軍又至乃
 散眾軍攻石頭斬粲彥節走頽擔湖蘓逃鬪場並禽斬之
 粲庶箴莫嗣祖同粲謀蘓嬖人張承伯藏匿蘓高帝亦並

嚴而用之時黃回頓新亭見石頭已下因稱救後高帝知
 而不言撫之愈厚遣回西上流涕告別二年正月沈攸之
 平二月宋帝進高帝太尉都督十六州諸軍事高帝表送
 黃鉞三月己酉增班劍四十人甲仗百人入殿丙子加羽
 葆鼓吹大明泰始以來相承奢侈百姓成俗及高帝輔政
 奏罷御府省二尚方諸飾玩至是又上表禁人間華偽雜
 物凡十七條其中宮及諸王服用雖依舊例亦請詳制九
 月丙午加帝假黃鉞都督中外諸軍事太傅領揚州牧劍
 履上殿入朝不趨贊拜不名置左右長史司馬從事中郎
 掾屬各四人固辭詔遣敷勸乃受黃鉞辭殊禮甲寅給三

望車三年正月乙丑高帝表蠲百姓逋責丙辰加前部羽
葆鼓吹丁巳命太傅府依舊辟召丁卯給高帝甲仗五百
人出入殿省甲午重申前命劔履上殿入朝不趨奏拜不
名三月甲辰宋帝詔進帝位相國總百揆封十郡為齊公
備九錫禮加遠游冠位在諸侯王上加相國綠綬綬甲寅
便以備物典禮進策曰朕以不造夙罹閔凶嗣君失德書
契未紀威侮五行爰劉九縣神獸靈繹海水群飛綴旒之
殆未足為譬豈直小宛興刺黍離作歌而已哉天贊皇宋
實啓明宰爰登寡昧纂承大業高勳至德振古絕倫雖保
緜翼殷博陸匡漢方斯蔑如也今將授公典禮其敬聽朕
命乃者袁鄧構禍寔繁有徒身房不臣稱兵協亂傾瞻官
掖將成茂草言念邦國翦為仇讎當此之時人無固志公
投袂徇難超然奮發登寅車而戒路執金板而先驅麾鉞
一臨凶黨冰泮此則霸業之基勤王之始也安都背叛竊
據徐方敢率大軍陵雲淮浦索兒愚悖同惡相濟天祚無
象皆順歸逆北鄙黔黎奄塗炭公受命宗祊精貫朝日
權節和門氣踰霄漢破金之捷斬馘敵野石梁之戰禽其
渠帥保境全人江陽即序此又公之功也張淹迷昧弗顧
本朝爰自南區志圖東夏潛軍開入竊覲不虞于時江服
未夷皇塗存沮公忠誠慷慨在險彌亮以寡制衆所向風

僭朝廷無東顧之憂閩越有來蘇之慶此又公之功也匈奴野心侵掠疆場醜羯侮張勢振彭泗公奉辭代罪戒旦晨征兵車始交氛侵時蕩弔死扶傷弘宣皇澤俾我淮肥復霑盛化此又公之功也自茲歿後獫狁孔熾封豕長蛇重窺上國而世故相仍師出已老角城高壘指日淪陷公眷言王事發憤忘食躬擐甲胄視險若夷分疆畫界開創青兗此又公之功也桂陽負衆輕問九鼎裂冠毀冕拔本塞源烈火焚于王城飛矢集乎君屋群后憂惶元戎無主公按劍凝神則奇謨冠世把麾指麾則懦夫成勇信宿之間宣陽底定此又公之功也

圖興兵內侮公指授六師義形下邑役未踰旬朱方寧晏此又公之功也蒼梧肆虐諸夏糜沸淫刑以逞誰則無辜黔首相悲朝不謀夕高祖之業已淪文明之軌誰嗣公遠稽殷漢之義近遵魏晉之典猷以眇身入奉宗祏七廟清謚九區反政此又公之功也袁劉構貳成此亂階醜圖潛構危機竊發據有石頭志犯應路公神謀內運霜鋒外舉袂袵載澄國塗悅穆此又公之功也沈收苞禍歲月滋彰蠡目豺聲阻兵安忍乃眷西顧緬同異域而經綸惟始九伐示申長惡不悛遂逞凶逆公把鉞出關凝威江甸正情與敵日同亮明略與秋雲競爽至義所感人百其心積年

通誅一朝顯戮沮浦安流章臺順軌此又公之功也公有
濟天下之勳重之以明哲道庇生靈志匡宇宙戮力肆心
劬勞王室險阻艱難備嘗之矣若乃締構宗稷之勤造物
資始之澤雲布霧散光被六幽弼予一人永清四海是以
秬草騰芳於郊園景星垂暉於清漢遐方款關而慕義荒
服重譯而來庭汪哉邁乎無得而名也朕聞疇庸表德前
王盛典崇樹侯伯有國攸同所以文命成功玄圭顯錫姬
且宜哲曲阜啓潘或改玉以弘風或胙土以宣化禮絕常
班寵冠群辟爰逮桓文車服異數惟公勳業超於先烈而
褒賞闕於舊章古今之道何其爽歟靜言欽歎良有缺然

奉進授相國以青州之齊郡徐州之梁郡南徐州之蘭陵
魯郡琅邪東海晉陵義興揚州之吳郡會稽凡十郡封公
為齊公錫茲玄圭且以白茅定爾邦家用建冢社斯實尚
父故藩世作盟主紀綱侯甸率由舊則往者周召建國師
保兼任毛畢執珪入作卿士內外之寵同規在昔今命使
持節兼太尉侍中中書監司空衛將軍雋都縣開國侯彥
回授公相國印綬齊公璽紱持節兼司空守尚書令僧虔
授齊公茅土金虎符第一至第五左竹使符第一至第十
左相國位總百辟秩踰三事職以禮移號隨事革其以相
國摠百揆去錄尚書之稱送所假節侍中貂蟬中外都督

太傅太尉印綬竟陵公印策其驃騎大將軍揚州牧南徐州刺史如故又加公九錫其敬聽後命以公執禮弘律儀形區宇遐邇一體人無異業是用錫公大輅戎輅各一玄牡二駟公崇脩南畝所實惟穀王府充實百姓繁衍是用錫公衮冕之服赤舄副焉公居身以謙導物以義鎔鈞庶品罔不和悅是用錫公軒縣之樂八佾之舞公翼贊王猷聲教遠洽蠻夷竭歡回首內附是用錫公朱戶以居公明鑒人倫澄辯涇渭官方與能英又克舉是用錫公納陛以登公保佑皇朝厲身化下杜漸防萌含生寅式是用錫公虎賁之士三百人公禦宄以刑禦姦以德君親無將將而

必誅是用錫公鈇鉞各一公鳳舉四維龍騰八表威靈所振異類同又是用錫公彤弓一彤矢百靈弓十靈矢千公明發載懷肅恭禋祀孝敬之重義感靈祇是用錫公鉅鬯一卣圭瓚副焉齊國置丞相以下敬遵舊式往欽哉其祇服朕命經緯乾坤宏亮洪業茂昭爾大德闡揚我高祖之休命高帝三讓公卿敦勸固請乃受之丁巳下令赦國內殊死以下宋帝詔齊公十郡之外隨宮除用以齊國初建給錢五百萬布五千疋絹五千疋以太尉左長史王儉為尚書右僕射領吏部四月癸酉宋帝又詔進齊公為王以徐州之南梁陳潁川陳留南兗州之盱眙山陽秦廣陵海

陵南沛增王封為二十郡使司空褚彥回奉策授璽紱改
立王社餘如故丙戌命齊王冕十有二旒建天子旌旗出
警入蹕乘金根車駕六馬備五時副車置旄頭雲罕樂儔
八佾設鍾虞宮縣王世子為太子王女王孫壽命一如舊
儀辛卯宋帝以歷數在齊乃下詔禪位是日遜于東邸壬
辰遣使奉策曰咨爾齊王但太古初陳萬化紛綸開曜靈
以鑒品物立元后以馭黎元若夫宮成大庭之世伏羲五
龍之辰靡得而詳焉自軒黃以降墳素所紀略可言者莫
崇乎堯舜披金縷而握天鏡開玉匣而總地維德之休明
宸居靈極期運有終歸禪與能所以大唐遜位謗然興歌

有虞揖讓卿雲發來遺風餘烈光被無垠漢魏因循不敢
失墜爰逮有晉亦遵前典昔我祖宗英睿芳格幽明末葉
不造仍世多故惟王聖哲欽明榮鏡區宇仁育群生義征
不愆聲化遠洎荒服無虞殊類同規華戎一族是以五色
來儀於軒庭九穗含芳於郊牧象緯昭徹布新之符已顯
圖讖彪煥受終之義既彰靈祇乃眷兆庶引領朕聞至道
深微惟人是弘天命無常惟德是與所以仰鑒玄情俯察
群議敬禪神器授帝位于爾躬四海困窮天祿永終於戲
王其允執厥中儀刑前式以副率土之欣望命司喪而謁
倉昊奏雲門而升圓丘時膺大禮永保洪業豈不盛歟并

命璽書遣兼太保司空褚彥回兼太尉守尚書令王僧虔奉皇帝璽綬受終之禮一依唐虞故事高帝固讓宋朝王公以下陳留王粲等詣門陳請帝猶未許齊世子卿士以下固請兼太史令將作匠文建陳天符瑞因言漢自建武至建安二十五年一百九十六年而禪魏魏自黃初至咸熙二年四十六年而禪晉晉自泰始至元熙二年一百五十六年而禪宋宋自永初元年至昇明三年凡六十年咸以六終六受六元位也驗往揆今若斯昭著敢以職任備陳管穴伏願順天時膺符瑞一朝百辟又固請尚書右僕射王儉奏被宋詔遜位臣等參議宜尅日受禪高帝乃許焉

建元元年夏四月甲午皇帝即位於南郊紫燎告天曰皇帝臣道成敢用玄牲昭告于皇皇后帝夫肇自生靈樹以司牧所以闡極立則開元創物肆茲大道天下惟公命不予常昔在虞夏受終上代粵自漢魏揖讓中葉咸煥諸方策載在典謨水德旣微仍世多故稟賴道成匡救之功以弘濟乎厥難大造顛墜再構區宇誕惟天人罔弗和會迺仰協歸運景屬與能用集大命于茲辭德匪嗣至于累仍而群公卿士庶尹御事爰及黎獻暨乎百蠻僉曰皇天眷命不可以固違人神無統不可以曠主畏天之威敢不祗順鴻曆敬簡元辰虔奉皇符升壇受禪告類上帝以答人

袁式敷萬國惟明靈是饗禮畢備大駕幸建康宮臨太極
 前殿大赦改元賜人爵二級文武位二等鰥寡孤獨不能
 自存者穀人五斛逋租宿責勿收犯鄉論清議賊汙淫盜
 者一皆蕩滌洗除先注與之更始長徒赦繫者特加原遣
 亡官失爵禁錮奪勞一依舊典封宋帝為汝陰王築宮於
 丹楊故縣行宋正朔車旗服色一如晉宋故事上書不為
 表谷表不稱詔宋諸王皆降為公郡公主為縣君縣公主
 為鄉君詔降宋南康郡公為縣公華容公為侯萍鄉侯為
 伯減戶有差以奉劉穆之王弘何無忌之祀追尊皇考曰
 宣皇帝皇妣曰孝皇后陵曰永安妃曰昭皇后陵曰表永安

詔劫賊餘口沒在臺府者悉原赦諸負辜流徙者皆聽還
 本土戊戌以荊州刺史乞疑為尚書令驃騎大將軍開府儀
 同三司斷四方上慶禮已亥詔二宮諸王悉不得營立屯
 邸封略山湖乃停六官池塞稅庚子詔宋帝廢藩王諸陵
 量置守衛五月丙午以河南王吐谷渾檢校驃騎大將
 軍詔宋武第秩量所廢置有司奏留襄陽郡公張敬兒等
 六十二人除廣興郡公沈曇亮等一百一十二人改元嘉
 曆為建元曆祖以正月卯臘以十二月未丁未詔曰設募
 取將縣賞購士蓋出權宜自今可斷更募乙卯河南國遣
 使朝貢丙辰詔遣兼散騎常侍十二人巡行四方己未汝

陰王殂齊志也道謚為宋順帝辛酉誅陰安公劉燮等六月乙亥詔宋末以來枯骸毀掘宣下埋藏庚辰備法駕奉七廟立于太廟甲申立齊太子贖為皇太子斷諸州郡禮慶降死罪以下刑并申前赦恩百日立皇太子為豫章王映為臨川王晃為長沙王暉為武陵王暉為安成王鐸為鄱陽王鐸為桂陽王鑑為廣興王皇孫長懋為南郡王乙酉葬宋順帝于遂寧陵秋七月丁未曲赦交州部內丁巳詔南蘭陵蔡梓本鄉長緇組布武進王業所基給復十年八月癸巳省陳留國丁巳立皇太子鈞為衡陽王九月辛丑詔以二吳義興二郡遭水減今年田租乙巳復置南寧校

尉官丙午加司空褚彥回尚書冬十月丙子立彭城劉胤為汝陰王奉宋後已卯尊太廟辛巳汝陰王太后王氏薨追贈宋恭皇后己丑荊州天井湖出綿人用與常綿不異二年春正月戊戌朔大赦以司空褚彥回為司徒以尚書右僕射王儉為左僕射辛丑祀南郊二月丁卯魏軍攻壽陽豫州刺史垣崇祖破走之癸巳遣大使廵慰淮肥徐豫邊人尤貧遘難者三月百濟國遣使朝貢以其王牟都為鎮東大將軍夏四月丙寅進高麗王樂浪公高璉號驃騎大將軍五月立六門都牆秋九月甲午朔日有蝕之丙子蠕蠕國遣使朝貢冬十二月戊戌以司空褚彥回為司徒

壬子以驃騎豫章王嶷為司空

三年春正月壬戌朔詔王公卿士薦諱言丙子立皇子鋒
為江夏王二月癸丑罷南蠻校尉官夏四月辛亥始制東
宮臣僚用下官禮敬聞喜公子良等六月壬子大赦秋七
月己未朔日有蝕之九月辛未蠕蠕國王遣使欲俱攻魏
獸師子皮袴褶烏程令吳郡顧昌玄坐父法秀宋泰始中
北征死屍骸不反而昌玄宴樂嬉游與常人無異有司
請加以清議丙戌置會稽山陰縣獄丞冬十月戊子以河
南王世子吐谷渾度易侯為西秦河二州刺史河南王十
二月丁亥高麗國遣使朝貢命散騎常侍虞炎等十二人

巡行諸州郡觀省風俗

四年春二月乙未上不豫庚戌詔原都下囚繫有差免元
年以前逋責三月庚申召司徒褚爽曰主僕射王儉受顧
託至成皇帝崩于臨光殿年五十六群臣上謚曰高皇帝
廟號太祖梓宮於東府前渚升龍舟四月丙午葬於武進
泰安陵於龍舟卒哭內外反吉上少有大量喜怒不形於
色深沈靜默常有四海之心博學善屬文工草隸書并棊
第二品雖經綸夷險不廢素業及即位後身不御精細之
物主夜中有玉介導以長侈奢之源命打破之凡異物皆
令隨例毀棄後宮器物欄檻以銅為飾者皆改用鐵內殿

施黃紗帳宮人著紫皮履華蓋除金華瓜用鐵回釘每曰使我臨天下七年當使黃金與土同價欲以身率下移風易俗性寬嘗與直閣將軍周覆給事中褚思莊共募累局不倦覆亦抑上手不許易行其弘厚如此所著文詔中書侍郎江淹撰次之又詔東觀學士撰史林三十篇魏文帝皇覽之流也始帝年十七時嘗夢乘青龍上天西行逐日帝舊坐在武進彭山岡阜相屬數百里不絕其上常有五色雲又有龍出焉上時已貴矣宋明帝甚惡之遣善占墓者高靈文往墓所占相靈文先給事太祖還詭答曰不過出方伯耳密白太祖曰貴不可言明帝意猶不已遣人踐

藉以左道厭之上後於所樹華表柱忽龍鳴震響晉山谷明帝寢疾為身後之慮多翦功臣上亦見疑每云蕭道成有不臣相時鎮淮陰每懷憂懼忽見神人謂上曰無所憂子孫當昌盛肅始三年宋明帝遣前淮南太守孫奉伯往淮陰監元會奉伯舊與帝款是行也帝與奉伯同室卧奉伯夢上乘龍上天於下捉龍脚不及覺叙湛因謂曰兗州當大庇生靈而弟不得與也奉伯竟卒於宋世又參軍崔靈寔夢天謂已蕭道成是我第十九子我去年已使授其天子位考自三皇五帝以降受命之次至帝為十九也及為領軍望氣者陳安寶見上身上恒有紫黃氣安寶謂王

洪範曰此人貴不可言所居武進縣有一道相傳云天子
路或謂秦皇所游或云孫氏舊迹時訛言東城天子出其
後建安王休仁鎮東府宋明帝懼殺休仁而常閉東府不
居明帝又屢幸改代作伐以厭王氣又使子安成王代之
及蓋稽王敗安成王代立時咸言為驗術數者推之上舊
居武進東城村東城之言其在此也昇明二年冬延陵縣
季子潮沸井之北忽聞金石聲疑其異鑿深三尺得沸井
奔涌若浪其地又響即復鑿之復得一片涌沸亦然井中
得一木簡長一尺廣二分上有隱起字曰廬山道人張陵
再拜詣闕起居簡大堅白字色乃黃瑞應圖云浪井不鑿
自成王者清靜則仙人主之會稽剡縣有山名剡石父老
相傳云山雖名刻石而不知文字所在昇明末縣人兒襲
祖行獵忽見石上有文字凡三處皆生其上字不可識乃
去苔視之其大石文曰此齊者黃石公之化氣也立石文
曰黃天星姓蕭字道成得賢師天下太平小石文曰刻石
者誰會稽南山李斯刻秦望之風也孝經鉤命決曰誰者
起視名將將帝小字也河洛識曰歷年七十水滅緒風雲
俱起龍鱗舉又曰蕭蕭章成道德盡備案宋水德也義熙
元年宋武帝王業之始至齊受命七十年又識曰蕭為二
士天下樂案一士主字也鄭文舉金瓶記曰當復有作蕭

入草易曰聖人作萬物觀當復有作言聖人作也王子年歌曰欲知其姓草蕭蕭穀中最細似頭熟鱗身甲體永興福穀中精細者稻也即道也熟猶成也又歌曰金刀利刃齊刈之金刀劉字刈猶剪也孔子河洛讖曰竭河梁塞龍泉消除水災泄山川水即宋也宋氏為災害故曰水災梁亦水也竭河梁則行路成矣路猶道也消除水災除宋水氏之災害也河圖讖又曰上參南斗第一星下立草屋為紫庭神龍之岡梧桐生鳳鳥戢翼朝旦鳴南斗吳分野草屋者居卜蕭字象也先是益州有山古老相傳曰齊后山昇明三年四月二十三日有沙門玄暢者於此山立精舍

其日上登尊位廿月二十四日滎陽郡人尹千於嵩山東南隅見天雨石墜地石開有玉璽在其中璽方三寸文曰戊丁之人與道俱肅然入草應天符掃平河洛清魏都又曰皇帝運興千奉璽詣雍州刺史蕭亦斧亦斧以獻宋武帝於嵩高山得玉璽三十二枚神人云此是宋卜世之數三十二者二三十也宋自受命至禪齊凡六十年然則帝之符應也若是今備之云

世祖武皇帝諱贖字宣遠高帝長子也以宋元嘉二十七年六月己未生於建康縣之青溪宮將產之夕孝皇后昭皇后並夢龍據屋故小字上為龍兒年十三夢人以筆畫

身左右為兩翅又著孔雀羽衣裳空中飛舉體生毛髮長至足有人指上所踐地曰周文王之田又於所住堂內得璽一枚文曰皇帝行璽又得異錢文為北斗星雙刀雙具及有人形帶劍焉仕宋為贛令江州刺史晉安王子勛反上不從命南康相沈肅之繫上郡獄族人蕭欣祖門客桓康等破郡迎出上上遂率部曲百餘人起義避難揭陽山有白雀來集開山中有清聲傳漏響又於山累石為佛圖其側忽生一樹狀若花蓋有翠扶疎有殊群木上將討戴凱之大饗士卒是日大熱上各令折荆枝自蔽言未終而有雲垂陰正當會所會罷乃散及為廣興相嶺南積旱連

水阻涸商旅不通上部伍既至無雨而川流暴起遂得利漲元徽四年累遷晉熙王鎮西長史江夏內史行郢州事順帝立徵晉熙王燮為撫軍揚州刺史以上為左衛將軍輔燮俱下沈攸之事起未得朝廷處分上以中流可以待敵即據盆口城為戰守備高帝聞之曰此真我子也於盆城掘塹得一大錢文曰太平百歲于時城內乏水欲引水入城始鑿城內遇伏泉涌出如此者九處用之不竭上表求西討不許乃遣偏軍援郢平西將軍黃回等皆受上節度昇明二年事平遷江州刺史封聞喜縣侯其年徵侍中領軍將軍尋加督京畿諸軍事三年又加尚書僕射中軍

大將軍開府儀同三司進爵為公給班劍二十人齊國建
為齊公世子改加侍中南豫州刺史給油絡車羽葆鼓吹
增班劍為三十人以石頭為世子宮官置二率以下坊省
服章一如東宮進為王太子高帝即位為皇太子建元四
年三月壬戌高帝崩是日皇太子即皇帝位大赦征鎮州
郡令長軍屯營部各行喪三日不得擅離任都邑城守防
備頓隊一不得還乙丑稱先帝遺詔以司徒褚彥回錄尚
書重尚書左僕射王儉為尚書令中騎將軍張敬兒開府
儀同三司詔曰喪禮雖有定制先旨每存簡約內官可三
日一還臨外官間日一還臨後有大喪皆如之丁卯以前

將軍王奐為尚書左僕射庚午以司空豫章王疑為太尉
癸酉詔免逋城錢自今以後申明舊制初晉宋舊制受官
二十日輒送脩城錢二千宋泰始初軍役大起受官者萬
計兵戎機急事有未遑自是令僕以下並不輸送二十年
中大限不可勝計文符督切擾亂在所至是除蕩百姓悅
焉夏四月辛卯追尊穆妃為皇后五月庚申以高皇帝配
南郊高昭皇后配北郊六月甲申朔立河南王長懋為皇
太子詔申壬戌赦恩百日丙申立皇太子妃王氏進封開
喜公子良為竟陵王時汝公子卿為廬陵王應城公子敬
為安陸王江陵公子憺為安王枝江公子隆為隨王皇

子子真為建安王皇孫昭業為河南郡王戊戌以水潦為
患星緯乖序剋日訖都下囚諸遠獄委刺史以時察判建
康秣陵二縣貧人加振賜必令周悉吳興義興遭水縣蠲
降租調以司徒褚彥回為司空秋八月癸卯司空褚彥回
薨九月丁巳以國哀故罷國子學辛未以征南將軍王僧
虔為左光祿大夫開府儀同三司冬十月乙未以中書令
王延之為尚書左僕射十二月己丑詔曰緣淮戍將久處
邊勞三元行始宜霑恩慶可遣中書舍人宣旨臨會後每
歲如之

永明元年春正月辛亥祀南郊大赦改元壬子詔內外群

僚各進諫言王公卿士各舉所知又詔守宰祿奉蓋有恒
準徃以邊虜告罄故公時損益今區宇寧晏宜加優獎郡
縣丞尉可還田秩壬戌立皇弟銳為南平王鏗為宜都王
皇子子明為武昌王子罕為南海王望氣者云新林婁湖
東府西有氣甲子築青溪舊宮作新婁湖苑以厭之二月
庚寅以征虜將軍楊奐為沙州刺史封陰平王三月丙辰
詔以星緯失序陰陽愆度申辛亥赦恩五十日以期訖為
始戊寅詔四方是囚罪無輕重及劫賊餘口長徒數繫悉
皆原赦夏五月丁酉車騎將軍張敬兒有罪伏誅秋八月
壬申魏人來聘冬十月丙寅使驍騎將軍劉纘聘于魏十

一月巳卯雷十二月乙巳朔日有蝕之

二年春正月乙亥以護軍將軍柳世隆為尚書右僕射以
南兗州刺史竟陵王子良為護軍將軍兼司徒壬寅以新
除尚書右僕射柳世隆為左僕射以丹楊尹李安人為右
僕射秋七月甲申立皇子子倫為巴陵王八月丙午幸舊
宮申都下獄及三署見徒量所降宥戊申幸玄武湖講武
壬子扶南國遣使朝貢并獻頌章云甲子詔都下二縣墳
墓毀發隨宜掩埋遺骸未視者並加斂瘞疾困不能存者
詳加露瘞及十二月庚申魏人來聘

三年春正月辛卯祀南郊赦三百里內罪應入重者降一

等餘依赦制三月甲寅改輔國將軍劉縝聘于魏夏五月
省總明觀秋七月甲戌左光祿大夫開府儀同三司王僧
虔薨辛卯於益州置平蠻校尉官八月乙未幸中堂聽訟
乙巳以行宕昌王梁彌頡為河涼二州刺史封隴西公宕
昌王冬十一月丙辰魏人來聘十二月以江州刺史王奐
為尚書右僕射改封武昌王子明為西陽王

四年春閏正月癸巳立皇子子貞為邵陵王丁未以武都
王揚集始為北秦州刺史辛亥耕藉田詔宥殊死以下甲
寅幸闕武堂勞酒小會賜王公以下在位者帛有恙戊午
幸宣武堂講武二月丙寅大風吳興偏甚樹葉皆赤己未

立皇弟鉞為晉熙王鉉為河東王壬午使通直郎裴昭明
聘于魏

五年春正月戊子以太尉豫章王嶷為大司馬車騎將軍
竟陵王子良為司徒驃騎將軍臨川王映衛將軍王儉中
軍將軍王敬則並以本號開府儀同三司以尚書右僕射
王奐為尚書左僕射辛卯賜孤寡老疾各有差夏四月庚
午殷祀太廟降諸囚徒先是立商飈館於孫陵岡世呼為
九日臺秋九月辛卯車駕幸焉冬十月初起新林苑

六年春三月甲申詔皇太子於東宮玄圃園宣猷堂臨訓
及三署徒隸已亥封皇子子響為巴東王夏五月庚辰左
衛殿中將軍邯鄲超表陳射雉書奏賜死又賴川荀丕亦
以諫諍託他事及誅六月辛未詔省州郡縣送故輸錢者
秋七月齊興太守劉元寧於郡城墮得錢三十七萬皆輸
厚徑一寸半以獻上以為瑞班賜公卿九月壬寅於琅邪
城講武習水步軍冬十月庚申立冬初臨太極殿讀時令
十一月丙戌土霧竟天如煙入人眼鼻二日乃止

七年春正月丙午以鎮南將軍柳世隆為尚書左僕射以
豫州刺史西昌侯鸞為右僕射辛亥祀南郊大赦申明不
舉子之科若有產子者復其父壬戌驃騎將軍開府儀同
三司臨川王映薨戊辰詔以諸大夫年秩隆重增俸給見

西漢書紀
三
列
役三月甲寅立皇子子岳為臨賀王子峻為廣漢王子琳
為宣成王子珉為義安王夏五月乙巳尚書令衛將軍開
府儀同三司王儉薨甲子以新除尚書左僕射柳世隆為
尚書令秋九月壬寅魏人來聘冬十一月戊申詔平南參
軍顏幼明聘于魏

八年春正月庚子以領軍王奐為尚書左僕射丁巳以行
百濟王泰為鎮東大將軍百濟王二月辛卯零陵王司馬
藥師薨夏四月戊辰朔詔公卿以下各舉所知六月己巳
魏人來聘庚午長沙王晃薨丙申大雷雨有黃光竟天照
地狀如金乙酉都下大風發屋秋七月癸卯詔以陰陽舛

和緯象愆度儲衛嬰惠渣歷旬曷可大赦八月壬辰荊州
刺史巴東王子響反遣丹陽尹蕭順之討之子響伏誅乙
酉以河南王世子休留代為西秦河二州刺史封河南王
冬十一月戊寅詔量增尚書丞郎賜祿己卯改封宣城王
子琳為南康王立皇子子建為湘東王

九年春正月甲午省平蠻府辛丑祀南郊降都下見囚戊
午詔射聲校尉裴昭明聘于魏三月癸巳明堂災夏五月
丙申林邑國獻金篋丁未魏人來聘安成王暘薨己未樂
游正陽堂災秋八月己亥使司徒參軍蕭琛聘于魏吳興
義興大水乙卯蠲二郡租九月戊辰幸琅邪城講武觀者

南文帝紀四
侯都普頒酒肉冬十月甲寅魏人來聘

十年春正月戊午以司徒竟陵王子良領尚書令以尚書
右僕射西昌侯鸞為左僕射詔增內外有務眾官祿奉丙
戌詔故太宰褚彥回故太尉王儉故司空柳世隆驃騎大
將軍王敬則鎮軍大將軍陳顯達故鎮東將軍李安人配
饗太祖廟庭二月乙巳使司徒參軍蕭琛聘于魏

十一年春正月戊午以驃騎大將軍豫州刺史王敬則為
司空乙亥皇太子長懋薨二月雍州刺史王奐有罪伏誅
三月丙寅以金紫光祿大夫王晏為尚書右僕射夏四月
癸未魏人來聘甲午立皇孫昭業為皇太孫賜天下為父

後者爵一級五月戊辰以旱故都下二縣米方姑熟權斷
酒秋七月丁巳曲赦南兖兗豫司徐五州南豫州之歷陽
譙臨江廬江四郡三調衆逋宿責並同原除其緣淮及青
冀新附僑人復除已訖更申五年先是魏地謠言赤火南
流喪南國是歲有沙門從北齊此火而至色赤於常火而
微云以療疾貴賤爭取之多得其驗二十餘日都下大盛
咸云聖火詔禁之不止火炎至七炷而疾愈是興立國賓
密以還鄉邑人楊道慶虛疾二十年依法灸即差是月上
不豫徙御延昌殿始登階而殿羣鳴叱上惡之魏軍將至
上慮朝野憂惶力疾召樂府奏正聲伎戊寅大漸詔曰始

然大期聖賢未免善行年六十亦復何恨但皇業艱難萬
機自重不能無遺慮耳太孫進德日茂社稷有寄子良善
相毗輔思弘正道內外衆事無大小悉與鸞參懷尚書是
職務根本委王晏徐孝嗣軍旅捍邊之略委王敬則陳
顯達上廣之王玄邁沈文季張瓌薛深等百辟庶僚各奉
爾職謹事太孫勿有懈怠又詔曰我識滅後身上著夏衣
畫天文純烏犀導絰諸器服悉不得用寶物及織成等唯
裝複袂衣各一通常所服刀長短二口鐵環者隨入梓宮
發敬之典本在因心靈上慎勿以牲為祭祭惟設餅茶飲
干飯酒脯而已天下貴賤咸同此制未山陵前朔望設菜

食陵墓萬世所宅意常恨休安陵未稱今可用東三處地
最東邊以葬我名為景安陵喪禮每存省約不須煩人百
官停六時入臨朔望祖日可依舊諸主六宮並不須從山
陵內殿鳳華壽昌曜靈三處是吾所收制夫貴有天下富
兼四海宴處寢息不容乃陋謂此為奢儉之中慎勿壞去
顯陽殿玉像諸佛及供養具如別牒可盡心禮拜供養之
絰有功德事可專在中自今公私皆不得出家為道及起
立塔寺以宅為精舍並嚴斷之惟年六十必有道心聽
賢選序已有別詔諸小小賜乞及閣內處分亦有別牒內
外禁衛舊舊主帥左右悉令蕭謹優量驅使之是日上崩

于延昌殿年五十四羣臣上謚曰武皇帝廟號世祖九月
丙寅葬景安陵上剛毅有斷政總大體以富國為先頗喜
游宴彫綺之事言常恨之未能頓遣臨崩又詔凡諸游費
宜從休息自今遠近薦獻務存節儉不得出界營求相高
奢麗金粟繒纈敝人已甚珠玉玩好傷俗尤重嚴加禁絕
論曰齊高帝基命之初武功潛用泰始開運大拯時艱及
蒼梧暴虐豐結朝野而百姓慄慄命縣朝夕權道既行兼
濟天下元功振主利器難以假人群方戮力實懷尺寸之
望豈惟天厭水行固已人希木德歸功與能事極乎此武
帝雲雷伊始功參佐命雖為繼體事實艱難御衮垂旒深
存政典文武授任不革舊章明罰厚恩皆由已出外表無
塵內朝多豫機事平理職貢有恒府藏內充鮮人勞役官
室苑圃未足以傷財安樂延年衆庶所同幸亦有齊之良
主也據齊梁紀錄並云出自蕭何又編御史大夫望之以
為先祖之次案何及望之於漢俱為勲德而望之本傳不
有此陳齊典所書便再實錄述秘書監顏師古博考經籍
注解漢書已正其非今隨而改削云

齊本紀上第四

南史四



